

童校古周禮地官大司徒

惟王建國 提邦國一

以土會之灋 內而序一自此五物者 民辨功三

以土均之灋 下之政五 以土量之灋 辨地之六

凡造都鄙 待政令八 以土宜之灋 辨地之七

以土俗 同衣服十一 以土辨之灋 辨地之八

以土正之灋 辨地之九 凡建邦國 四之一七

以土均之灋 辨地之十 凡建邦國 四之一七

以土均之灋 辨地之十一 凡建邦國 四之一七

以土均之灋 辨地之十二 凡建邦國 四之一七

以土均之灋 辨地之十三 凡建邦國 四之一七

以土均之灋 辨地之十四 凡建邦國 四之一七

以土均之灋 辨地之十五 凡建邦國 四之一七

以土均之灋 辨地之十六 凡建邦國 四之一七

大司徒之職掌建邦之法之圖 總其野二

以土宜之法 辨地之七

以土均之法 辨地之八

以土均之法 辨地之九

以土均之法 辨地之十

以土均之法 辨地之十一

以土均之法 辨地之十二

以土均之法 辨地之十三

以土均之法 辨地之十四

以土均之法 辨地之十五

以土均之法 辨地之十六

國家圖書館, NATIONAL CENTRAL LIBRARY, TAIWAN, R.O.C.

天官冢宰第一

惟王建國辨方正位體國經野設官分職以為民極  
乃立天官冢宰使帥其屬而掌邦治以佐王均邦國  
大宰之職掌建邦之六典以佐王治邦國一曰治典以  
經邦國以治官府以紀萬民二曰教典以安邦國以  
教官府以擾萬民三曰禮典以和邦國以統百官以  
諧萬民四曰政典以平邦國以正百官以均萬民五  
曰刑典以詰邦國以刑百官以糾萬民六曰事典以  
富邦國以任百官以生萬民

按古本注作漢  
下同

以八法治官府一曰官屬以舉邦治二曰官職以辨  
邦治三曰官辨辨以會官治四曰官常以聽官治五曰  
官成以經邦治六曰官法以正邦治七曰官刑以糾  
邦治八曰官計以弊邦治

以八則治都鄙一曰祭祀以馭其神二曰法則以馭  
其官三曰廢置以馭其吏四曰祿位以馭其士五曰  
賦貢以馭其用六曰禮俗以馭其民七曰刑賞以馭  
其威八曰田役以馭其衆

以八柄詔王馭群臣一曰爵以馭其貴二曰祿以馭  
其富三曰予以馭其幸四曰置以馭其行五曰生以  
馭其福六曰奪以馭其貧七曰廢以馭其罪八曰誅  
以馭其過

以八統詔王馭萬民一曰親親二曰敬故三曰進賢  
四曰使能五曰保庸六曰尊貴七曰達吏八曰禮賓  
以九職任萬民一曰三農生九穀二曰園圃毓草木  
三曰虞衡作山澤之材四曰藪澤養畜鳥獸五曰百  
工飭化八材六曰商賈阜通貨賄七曰嬪婦化治絲  
枲八曰臣妾聚斂䟽材九曰間民無常職轉移職事

按古本注作牧

以九賦歛財賄一曰邦中之賦二曰四郊之賦三曰邦甸之賦四曰家削之賦五曰邦縣之賦六曰邦都之賦七曰關市之賦八曰山澤之賦九曰弊餘之賦以九式均節財用一曰祭祀之式二曰賓客之式三曰喪荒之式四曰羞服之式五曰工事之式六曰幣帛之式七曰芻秣之式八曰匪頒之式九曰好用之式

以九貢致邦國之用一曰祀貢二曰嬪貢三曰器貢四曰幣貢五曰材貢六曰貨貢七曰服貢八曰旂貢

### 九曰物貢

以九兩繫邦國之民一曰牧以地得民二曰長以貴得民三曰師以賢得民四曰儒以道得民五曰宗以族得民六曰主以利得民七曰吏以治得民八曰友以任得民九曰數以富得民

正月之吉始和布治于邦國都鄙乃縣治象之法于象魏使萬民觀治象狹日而歛之

乃施典於邦國而建其牧立其監設其參傳其伍陳其殷置其輔乃施則于都鄙而建其長立其兩設其

伍陳其殷置其輔乃施法于官府而建其正立其貳  
設其考陳其殷置其輔

凡治以典待邦國之治以剛待都鄙之治以法待官  
府之治以官成待萬民之治以禮待賓客之治

祀五帝則掌百官之誓戒與其具脩前期十日帥執  
事而卜日遂戒及執事眡滌濯及納亨贊王牲事及  
祀之日贊玉幣爵之事祀大神示亦如之享先王亦  
如之贊玉几玉爵

大朝覲會同贊玉幣玉鬯玉几玉爵大喪贊贈玉含

按古本陳作作

王陳大事則戒于百官贊王命

王眡治朝則贊聽治眡四方之聽朝亦如之凡邦之

小治則冢宰聽之待四方之賓客之小治

歲終則令百官府各正其治受其會聽其致事而詔  
王廢置三歲則大計群吏之治而誅賞之

小宰之職掌建邦之官刑以治王宮之政令凡官之糾

禁執邦之六典八法八則之貳以逆邦國都鄙官府

之治執邦之九貢九賦九式之貳以均節邦用

以官府之六叙正群吏一曰以叙正其位二曰以叙

按古本官刑作官刑

小宰

四

進其治三曰以叙作其事四曰以叙制其食五曰以叙受其會六曰以叙聽其情

以官府之六屬舉邦治一曰天官其屬六十掌邦治大事則從其長小事則專達二曰地官其屬六十掌邦教大事則從其長小事則專達三曰春官其屬六十掌邦禮大事則從其長小事則專達四曰夏官其屬六十掌邦政大事則從其長小事則專達五曰秋官其屬六十掌邦刑大事則從其長小事則專達六曰冬官其屬六十掌邦事大事則從其長小事則專

達

以官府之六職辨邦治一曰治職以平邦國以均萬民以節財用二曰教職以安邦國以寧萬民以懷賓客三曰禮職以和邦國以諧萬民以事鬼神四曰政職以服邦國以正萬民以聚百物五曰刑職以詰邦國以糾萬民以除盜賊六曰事職以富邦國以養萬民以生百物

以官府之六聯合邦治一曰祭祀之聯事二曰賓客之聯事三曰喪荒之聯事四曰軍旅之聯事五曰田

役之聯事六曰飲弛之聯事凡小事皆有聯  
 以官府之八成經邦治一曰聽政役以比居二曰聽  
 帥田以簡稽三曰聽里聞以版畜四曰聽稱責以傳別  
 五曰聽祿位以禮命六曰聽取予以書契七曰聽賣  
 買以質劑八曰聽出入以要會  
 以聽官府之六計辨群吏之治一曰廉善二曰廉能  
 三曰廉敬四曰廉政五曰廉法六曰廉辨  
 以法掌祭祀朝覲會同賓客之戒具軍旅田役喪荒  
 亦如之七事者令百官府共其財用治其施舍聽其

治訟

凡祭祀贊玉幣爵之事裸將之事凡賓客贊裸凡受  
 爵之事凡受幣之事喪荒受其舍禋幣玉之事  
 月終則以官府之叙受群吏之要贊冢宰受歲會歲  
 終則令群吏致事正歲帥治官之屬而觀治象之法  
 狗以木鐸曰不用法者國有常刑乃退以宮刑憲禁  
 于王宮令于百官府曰各脩乃職致乃法待乃事以  
 聽王命其有不共則國有大刑  
 宰夫之職掌治朝之法以正王及三公六卿大夫群吏

之位掌其禁令叙群吏之治以待賓客之令諸臣之復萬民之逆

掌百官府之微令辨其八職一曰正掌官法以治要二曰師掌官戒以治汎三曰司掌官法以治司四曰旅掌官常以治數五曰府掌官契以治藏六曰史掌官書以贊治七曰胥掌官叙以治叙八曰徒掌官令以微令

掌治法以攷百官府群都縣鄙之治來其財用之出入凡失財用物辟名者以官刑詔冢宰而誅之其足

按古下無首字

用長財善物者賞之

以式法掌祭祀之戒具與其薦羞從大宰而賦滌濯凡禮事贊小宰比官府之具凡朝覲會同賓客以牢禮之法掌其牢禮委積膳獻飲食賓賜之殮牽與其陳數凡邦之弔事掌其戒令與其幣器財用凡所共者大喪小喪掌小官之戒令帥執事而治之三公六卿之喪與職喪帥官有司而治之凡諸大夫之喪使其旅帥有司而治之

歲終則令群吏正歲會月終則令正月要旬終則令



正日成而以攷其治治不以時舉者以告而誅之正  
歲則以法警戒群吏令脩宮中之職事書其能者與  
其良者而以告于上

大史掌建邦之六典以逆邦國之治掌法以逆官府之  
治掌則以逆都鄙之治凡辨法者攷焉不信者刑之  
凡邦國都鄙及萬民之有約劑者藏焉以貳六宮六  
官之所登若約劑亂則辨法不信者刑之  
正歲年以序事頒之于官府及都鄙頒告朔于邦國  
閏月詔王居門終月

大祭祀與執事卜日戒及宿之日與執事讀禮而協  
事祭之日執書以次位常辨事者攷焉不信者誅之  
大會同朝覲以書協禮事及將幣之日執書以詔王  
大師及師抱天時與大史同居大遷國抱法以前大  
喪執法以涖勸防遣之日讀誅凡喪事攷焉小喪賜  
謚凡射事飾中舍筭執其禮事

小史掌邦國之志辨昭穆若有事則詔王之忌  
諱大祭祀讀禮法以戒史以書敘昭穆之俎筮大喪  
大賓客大會同大軍旅佐大史凡國事之用禮法者掌

其小事卿大夫之喪賜謚讀誄

內史掌王之八柄舊作柄之法以詔王治一曰爵二曰祿三曰

廢四曰置五曰殺六曰生七曰予八曰奪執國法及

國令之貳以致政事以逆會計掌叙事之法受納訪

以詔王聽治凡命諸侯及孤卿大夫則策命之凡四

方之事書內史讀之王制祿則贊為之以方出之賞

賜亦如之內史掌書王命遂貳之

外史掌書外令掌四方之志掌三皇五帝之書掌達書

名于四方若以書使于四方則書其令

御史掌邦國都鄙及萬民之治令以贊冢宰凡治者受

法令焉掌贊書凡數從政者

馮相氏掌十有二歲十有二月十有二辰十日二十有

八星之位辨其叙事以會天位冬夏致日春秋致月

以辨舊作辨四時之叙

保章氏掌天星以志日月星辰之變動以觀天下之遷

辨其吉凶以星土舊作辨驗九州之地所封封域皆有分星

以觀妖祥以十有二歲之相觀天下之妖祥以五雲

之物辨吉凶水旱降豐荒之祲象以十有二風察天

天地之和命乖別之妖祥凡此五物者以詔教政訪

敘事

天府掌宗廟之守藏與其禁令凡國之玉鎮大寶器藏焉若有大祭大喪則出而陳之既事藏之凡官府鄉州及都鄙之治中受而藏之以詔王察群吏之治上春釁寶鎮及寶器凡吉凶之事祖廟之中沃盥執燭季冬陳玉以貢未歲之媿惡若遷寶則奉之若祭天之司民司祿而獻民數穀數則受而藏之大府掌九貢九賦九功之貳以受其貨賄之入頒其貨

于受藏之府頒其賄于受用之府凡官府都鄙之吏及執事者受財用焉凡頒財以式法授之關市之賦以待王之膳服邦中之賦以待賓客四郊之賦以待稍秣家削之賦以待匪頒邦甸之賦以待工事邦縣之賦以待幣帛邦都之賦以待祭祀山澤之賦以待喪紀幣餘之賦以待賜予凡邦國之貢以待帛用凡萬民之貢以充府庫凡式貢之餘財以共玩好之用凡邦之賦用取其焉歲終則以貨賄之入出會之玉府掌王之金玉玩好兵器凡良貨賄之藏共王之服

玉佩玉珠玉王齊則共食玉大喪共含玉復衣裳角  
枕角柶掌王之燕衣服衽席牀第凡槩器若合諸侯  
則共珠槃玉敦凡王之獻金玉兵器文織良貨賄之  
物受而藏之凡王之好賜共其貨賄

內府實受九貢九賦九功之貨賄良兵良器以待邦之  
大用凡四方之幣獻之金玉齒革兵器凡良貨賄入  
焉凡適四方使者共其所受之物而奉之凡王及冢  
宰之好賜予則共之  
外府掌邦布之入出以共百物而待邦之用凡有法者

共王及后世子之衣服之用凡祭祀賓客喪紀會同  
軍旅共其財用之幣齋賜予之財用凡邦之小用皆  
受焉歲終則會唯王及后之服不會

司祿闕

司勳掌六鄉賞地之法以等其功王功曰勳國功曰功  
民功曰庸事功曰勞治功曰力戰功曰多凡有功者  
銘書于王之太常祭於大烝司勳詔之大功司勳藏  
其貳掌賞地之政令凡賞無常輕重眡功凡頒賞地  
參之一食唯加田無國正

司士掌群臣之版以治其政令歲登下其損益之數辨其年歲與其貴賤周知邦國都家縣鄙之數卿大夫士庶子之數以詔王治以德詔爵以功詔祿以能詔事以久奠食唯賜無常正朝儀之位辨其貴賤之等王南鄉三公北面東上孤東面北上卿大夫西面北上王族故士虎士在路門之右南面東上大僕大右大僕從者在路門之左南面西上司士擯孤卿特揖大夫以其等旅揖士旁三揖王還揖門左揖門右大僕前王入內朝皆退掌國中之士治凡其戒令掌擯士者膳其贄凡祭禮凡祭祀掌士之戒令詔相其法事及賜爵呼昭穆而進之帥其屬而割牲羞俎豆凡會同作士從賓客亦如之作士適四方使為介大喪作士掌事作六軍之士執披凡士之有守者令哭無去守國有故則致士而頒其守凡邦國三歲則稽士任而進退其爵祿

按古本宮中作王宮  
宮正掌宮中之戒令糾禁以時比宮中之官府次舍之衆寡為之版以待夕擊柝而比之國有故則令宿其比亦如之辨內外而時禁稽其功緒糾其德行幾其

按古本表作裘

出入均其稍食去其淫怠與其奇裘之民會其什伍而教之道藝月終則會其稍食歲終則會其行事凡邦之大事令于王宮之官府次舍無去守而聽政令春秋以木鐸脩火禁凡邦之事蹕宮中廟中則執燭大喪則授廬舍辨其親疎貴賤之居

宮伯掌王宮之士庶子凡在版者掌其政令行其秩叙作其徒役之事授八次八舍之職事若邦有大事作宮衆則令之月終則攷秩歲終則均叙以時頒其衣裘掌其誅賞

按古本食下有奇字

宮人掌王之六寢之脩為其井區除其不蠲去其惡臭共王之沐浴凡寢中之事掃除執燭共鑪炭凡勞事四方之舍亦如之

按古本奇兼作奇

內宰掌書版圖之法以治王內之政令均其稍食分其人民以居之以陰禮教六宮以陰禮教九嬪以婦職之法教九御使各有屬以作二事正其服禁其奇裘展其功緒大祭祀后裸獻則贊瑤爵亦如之正后之服位而詔其禮樂之儀贊九嬪之禮事凡賓客之裸獻瑤爵皆贊致后之賓客之禮凡喪事佐后使治外

按古本粗作處

內命婦正其服位凡建國佐后立市設其次置其叙  
正其肆陳其貨賄出其度量淳制祭之以陰禮中春  
詔后帥外內命婦始蚕于北郊以為祭服歲終則會  
內人之稍食稽其功事佐后而受獻功者比其小大  
與其粗良而賞罰之會內宮之財用正歲均其稍食  
施其功事憲禁令于王之北宮而糾其守上春詔王  
后帥六宮之人而生種稌之種而獻之于王

九嬪掌婦學之法以教九御婦德婦言婦容婦功各帥  
其屬而以時御叙于王所凡祭祀贊玉盥贊后薦徹

按古本作夏有禮

籩豆若有賓客則從后大喪帥叙哭者亦如之

世婦掌祭祀賓客喪紀之事帥女宮而濯概為盥盛及

按古本具下即按掌  
第臨于卿大夫之喪  
而止其餘皆無掌  
女宮以下見古本春  
官世婦比合之

祭之日涖陳女宮之具凡內羞之物掌帛臨于卿大  
夫之家掌女宮之宿戒及祭祀比其具詔王后之禮

事帥六宮之人共盥盛相外內宗之禮事大賓客之

享食亦如之大喪比外內命婦之朝莫哭不敬者而

苛罰之凡王后有擇事於婦人則詔相凡內事有達

於官者世婦掌之

女御掌御叙于王之燕寢以歲時獻功事凡祭祀贊世

按古本按作懽於  
官者作於官者

婦大喪掌沐浴后之喪持翼從世婦而弔于卿大夫之喪

內宗掌宗廟之祭祀薦加古作豆豆及以樂徹則佐傳古作豆豆

賓客之享食亦如之古作豆王后有事則從大喪叙哭者哭

諸侯亦如之凡卿大夫之喪掌其弔臨

外宗掌宗廟之祭祀佐王后薦玉豆古作豆及以樂徹

亦如之王后以樂羞古作豆盥則贊凡王后之獻亦如之王

后不與則贊冢宰古作豆小祭祀掌事賓客之事亦如之大

喪則叙外內朝莫哭者哭諸侯亦如之

女祝掌王后之內祭祀凡內禱祠之事掌以時招梗禴

禘之事以除疾殃

女史掌王后之禮職掌內治之貳以詔后治內政逆內

宮書內令凡后之事以禮從

內司服掌王后之六服禕衣褕狄闕狄鞠衣展衣緣衣

素沙辨外內命婦之服鞠衣展衣緣衣素沙凡祭祀

賓客共后之衣服及九嬪世婦九命婦共其衣服共

喪哀亦如之后之喪共其衣服凡內具之物

典婦功掌婦式之法以授嬪婦及內人之事齋凡授嬪

按事檢作檢

按事檢作檢  
若若



按古本內人下有女功  
字亦作小大指掌作  
木旁

按古本指作組

婦功及秋獻功辨其苦良比其大小而賈之物書而  
揭之以共王及后之用頒之于內府

縫人掌王宮之縫線之事以柳殺女御以縫王及后之衣  
服喪縫棺飾焉衣翼柳之材掌凡內之縫事

內小臣掌王后之命正其服位后出入則前驅若有祭  
祀賓客喪紀則擯詔后之禮事相九嬪之禮事正內  
人之禮事撤后之俎后有好事于四方則使往有好  
令於卿大夫則亦如之掌王之陰事陰令

閤人掌守王宮之中門之禁喪服凶器不入宮潛服賊

器不入宮奇服怪民不入宮凡內人公器賓客無帥  
則幾其出入以時啓閉凡外內命夫命婦出入則為  
之闢掌埽門庭大祭祀喪紀之事設門燎蹕宮門廟  
門凡賓客亦如之

寺人掌王之內人及女宮之戒令相道其出入之事而  
糾之若有喪紀賓客祭祀之事則帥女宮而致于有  
司佐世婦治禮事掌內人之禁令凡內人弔臨于外  
則帥而往立于其前而詔相之

內監掌內外之通令凡小事若有祭祀賓客喪紀之事

則為內人蹕王后之喪遷于宮中則前蹕及塋執褻器以從遣車

膳夫掌王之食飲膳羞以養王及后世子凡王之饋食用六穀膳用六牲飲用六清羞用百有二十品珍用八物醬用百有二十罋王日一舉鼎十有二物皆有俎以樂侑食膳夫授祭品嘗食王乃食卒食以樂徹于造王齊日三舉大喪則不舉大荒則不舉大札則不舉天地有災則不舉邦有大故則不舉王燕食則奉膳贊祭凡王祭祀賓客食則徹王之胾俎凡王之

稍事設薦脯醢王燕飲酒則為獻主掌后及世子之膳羞凡肉脩之頒賜皆掌之凡祭祀之致福者受而膳之以擊見者亦如之歲終則會唯王及后世子之膳不會

庖人掌供六畜六獸六禽辨其名物凡其死生蠹薨之物以共王之膳與其薦羞之物及后世子之膳羞共祭祀之好羞共喪紀之庶羞賓客之禽獻凡令禽獻以法授之其出入亦如之凡用禽獻春行羔豚膳膏香夏行牀鱸膳膏臊秋行犢麋膳膏腥冬行羸羽膳

按書以共王之膳無以之字

膏糴歲終則會唯王及后之膳禽不會

內饗掌王及后世膳羞之割亨煎和之事辨體名肉物  
辨百品味之物王舉則陳其鼎俎以牲體實之選百  
羞醬物珍物以俟饋共后及世子之膳羞辨腥臊羶  
香之不可食者牛夜鳴則膺羊冷毛而羸糴犬赤股  
而躁臊鳥臙色而沙鳴狸豕盲眊而交睫腥馬黑脊  
而般臂螻凡宗廟之祭祀掌割亨之事凡燕飲食亦  
如之凡掌共羞脩刑臙胖骨鱠以待共膳凡王之好  
賜肉脩則饗人共之

外饗掌外祭祀之割亨共其脯脩刑臙陳其鼎俎實之

牲體魚腊凡賓客之饗饗亨食之事亦如之邦亨者

老孤子則掌其割亨之事亨士庶子亦如之師役則

掌其獻賜脯肉之事凡小喪紀陳其鼎俎而實之

亨人掌共鼎鑊以給水火之齊職內外饗之饗亨煮辨

膳羞之物祭祀共大羹鉶羹賓客亦如之

甸師掌帥其屬而耕耨王藉以時入之以共齎盛祭祀

共蕭茅共野果蔬之薦喪事代王受青莪王之同姓

有臯則死刑焉帥其徒以薪蒸役內外饗之事

按古本掌下有共字

按古本內外作外內

按古本內外作外內

酒正掌酒之政令以式法投酒材凡為公酒者亦如之  
辨五齊之名一曰泛齊二曰醴齊三曰盎齊四曰緹  
齊五曰沈齊辨三酒之物一曰事酒二曰昔酒三曰  
清酒辨四飲之物一曰清二曰醫三曰漿四曰醕掌  
其厚薄之齊以共王之四飲三酒之饌及后世子之  
飲與其酒凡祭祀以法共五齊三酒以實八尊大祭  
三貳中祭再貳小祭壹貳皆有酌數唯齊酒不貳皆  
有器量共賓客之禮酒共后之致飲于賓客之禮醫  
醕糟皆使其士奉之凡王之燕飲酒共其計酒正奉

按古本或作二壹作一

按古本頌賜作賜頌

之凡享士庶子享耆老孤子則共其酒無酌數掌酒  
之頌賜皆有法以行之凡有秩酒者以書契授之酒  
正之出日入其成月入其要小宰聽之歲終則會唯  
王及后之飲酒不會以酒式誅賞

酒人掌為五齊三酒祭祀則共奉之以後世婦共賓客  
之禮酒飲酒而奉之凡事共酒而入于酒府凡祭祀  
共酒以往賓客之陳酒亦如之

漿人掌共王之六飲水鬯醴涼醫醕入于酒府共賓客  
之稍禮共夫人致飲于賓客之禮清醴醫醕糟而奉

按古本奉作用

之凡飲共之

凌人掌冰正歲十有二月令斬冰三其凌春始治鑑凡

按古本內外作外內

內外饗之膳羞鑑焉凡酒漿之酒醴亦如之祭祀共

冰鑑賓客共冰大喪共夷漿冰夏頒冰掌事秋刷

按古本四作肆十四同

漣人掌四漣之實朝事之漣其實麩菁白黑形鹽臠鮑

魚鱠饋食之漣其實棗栗桃乾蓀榛實加漣之實菱

芡栗脯菱芡栗脯羞漣之實糗餌粉飡凡祭祀共其

漣薦羞之實喪事及賓客之事共其薦漣羞漣為王

醢人掌四豆之實朝事之豆其實韭菹醢昌本麋藟

按古本麋作麋

菁菹鹿藟茆菹麋饋食之豆其實葵菹羸醢脾折

麤醢蜃蚘醢豚拍魚醢加豆之實芹菹兔醢深蒲醢

醢落菹鴈醢荀菹魚醢羞豆之實配食糝食凡祭祀

共薦羞之豆實賓客喪紀亦如之為王及后世子共

其內羞王舉則共醢六十糞以五齊七醢七菹三藟

實之賓客之禮共醢五十糞凡事共醢

醢人掌共五齊七菹凡醢物以共祭祀之齊菹凡醢醬

之物賓客亦如之王舉則共齊菹醢物六十糞共后

按古本鹽作鹽

按古本凡田獵作凡田獵之

及世子之贊齊道賓客之禮共醴五十壺凡事共醴

鹽人掌鹽之政令以共百事之鹽祭祀共其苦鹽散鹽

如之凡齊事當鹽以待戒令

冪人掌共巾冪祭祀以疏布巾冪八尊以畫布巾冪六

彝凡王中皆黼

腊人掌乾肉凡田獵脯腊臠胖之事凡祭祀共豆脯薦

脯臠胖凡腊物賓客喪紀共其脯腊凡乾肉之事

醫師掌醫之政令聚毒藥以共醫事凡邦之有疾病者

疢瘍者造焉則使醫分而治之歲終則稽其醫事以  
制其食十全為工十失一次之十失二次之十失三  
次之十失四為下

食醫掌和王之六食六飲六膳百羞百醬八珍之齊凡

食齊眠春時羹齊眠夏時贊齊眠秋時飲齊眠冬時

凡和春多酸夏多苦秋多辛冬多鹹調以滑甘凡會

膳食之宜牛宜稌羊宜黍豕宜稷犬宜粱雁宜麥魚

宜苽凡君子之食恒放焉

疾醫掌養萬民之疾病四時皆有癘疾春時有疇首疾

按日本味作味

夏時有痒疥疾秋時有瘧寒疾冬時有嗽上氣疾以  
五味五穀五藥養其病以五氣五聲五色眡其死生  
兩之以九竅之變參之以九藏之動凡民之有疾病  
者分而治之死終則各書其所以而入于醫師  
瘍醫掌腫瘍潰瘍金瘍折瘍之祝藥副殺之齊凡療瘍  
以五毒攻之以五氣養之以五藥療之以五味節之  
凡藥以酸養骨以辛養筋以鹹養脉以苦養氣以甘  
養肉以滑養竅凡有瘍者受其藥焉

司會掌邦之六典八法八則之貳以逆邦國都鄙官府

按日本歲會作歲令

之治以九貢之法致邦國之財用以九賦之法令田  
野之財用以九功之法令民職之財用以九式之法  
均節邦之財用掌國之官府郊野縣都之百物財用  
凡在書契版畜者之貳以逆群吏之治而聽其會計  
以參互攷日成以月要攷月成以歲會攷歲成以周  
知四國之治以詔王及冢宰廢置

司書掌邦之六典八法八則之貳九職九正九事邦中之版  
土地之畜以周知入出百物以叙其財受其幣使入  
于職幣凡上之用財用必攷于司會三歲則大計群

按古本財下無用字

吏之治以知民之財器械之數以知田野夫家六畜之數以知山林川澤之數以逆群吏之徵令凡稅飲掌事者受法焉及事成則入要貳焉凡邦治攷焉職內掌邦之賦入辨其財用之物而執其總以貳官府都鄙之財入之數以逆邦國之賦用凡受財者受其貳令而書之及會以逆職歲與官府財用之出而叙其財用以待邦之移用

職歲掌邦之賦出以貳官府都鄙之財出賜之數以待會計而攷之凡官府都鄙群吏之出財用受式法于

職歲凡上之賜予以叙與職幣授之及會以式法贊逆會

職幣掌式法以飲官府都鄙與凡用邦財者之幣振掌事者之餘財皆辨其物而奠其錄以書揭之以詔上之小用賜予歲終則會其出凡邦之會事以式法贊之



地官司徒第二

惟王建國辨方正位體國經野設官分職以為民極  
乃立地官司徒使帥其屬而掌邦教以佐王安擾邦  
國

大司徒之職掌建邦之五典以佐王擾邦國訓萬民一  
曰父子有親二曰君臣有義三曰夫婦有別四曰長  
幼有序五曰朋友有信

因此五物者民之常而施十有二教焉一曰以祀禮  
教敬則民不苟二曰以陽禮教讓則民不爭三曰以

陰禮教親則民不怨四曰以樂禮教和則民不乖五  
曰以儀禮辨等則民不越六曰以俗教安則民不偷  
七曰以刑教中則民不越八曰以誓教恤則民不怠  
九曰以度教節則民知足十曰以世事教能則民不  
失職十有一曰以賢制爵則民慎德十有二曰以庸  
制祿則民興功

以荒政十有二聚萬民一曰散利二曰薄征三曰緩  
刑四曰弛力五曰舍禁六曰去幾七曰省禮八曰殺  
哀九曰籓樂十曰多昏十有一曰索鬼神十有二曰

### 除盜賊

以保息六養萬民一曰慈幼二曰養老三曰振窮四  
曰恤貧五曰寬疾六曰安富

以本俗六安萬民一曰媿宮室二曰族墳墓三曰聯  
兄弟四曰聯師儒五曰聯朋友六曰同衣服

正月之吉始和布教于邦國都鄙乃縣教象之法于  
象魏使萬民觀教象挾日而歛之乃施教法于邦國  
都鄙使之各以教其所治民令五家為比使之相保  
五比為閭使之相受四閭為族使之相葬五族為黨

使之相救五黨為州使之相賙五州為鄉使之相賓  
頒職事十有二于邦國都鄙使以登萬民一曰稼穡  
二曰樹藝三曰作材四曰阜蕃五曰飭材六曰通材  
七曰化材八曰飲材九曰生材十曰學藝十有一曰  
世事十有二曰服事

以鄉三物教萬民而賓與之一曰六德知仁聖義忠  
和二曰六行孝友睦婣任卹三曰六藝禮樂射御書  
數以鄉八刑糾萬民一曰不孝之刑二曰不睦之刑  
三曰不姻之刑四曰不弟之刑五曰不任之刑六曰

不卹之刑七曰造言之刑八曰亂民之刑  
以五禮防萬民之偽而教之中以六樂防萬民之情  
而教之和

凡萬民之不服教而有獄訟者與有地治者聽而斷  
之其附于刑者歸于士歲終則令教官正治而致事  
正歲令于教官曰各共爾職脩乃事以聽王命其有  
不正則國有常刑

小司徒掌建邦之教法

歲終則攷其屬官之治成而誅賞令群吏正要會而

致事正歲則帥其屬而觀教法之象狗以木鐸曰不用法者國有常刑令群吏憲禁令脩法糾職以待邦治

鄉師之職各掌其所治鄉之教而聽其治以國比之法以時稽其夫家眾寡辨其老幼貴賤廢疾馬牛之物辨其可任者與其施舍者掌其戒令糾禁聽其獄訟大役則帥民徒而至治其政令既役則受州里之役要以政司空之辟以逆其役事凡邦事令作秩叙大祭祀羞牛牲共茅菹大軍旅會同正治其徒役與

其輦輦戮其犯命者大喪用役則帥其民而至遂治之及葬執纛以與匠師御籩而治後及窆執斧以涖匠師凡四時之田前期出田法于州里簡其鼓鐸旗物兵器脩其卒伍及期以司徒之大旗致眾庶而陳之以旗物辨鄉邑而治其政令刑禁巡其前後之屯而戮其犯命者斷其爭禽之訟凡四時之徽令有常者以木鐸狗于市朝以歲時巡國及野而調萬民之囂阨者以玉命施惠歲終則攷六鄉之治以詔廢置正歲稽其鄉器比其吉凶二服閭共祭器族共喪器

按古本此其作比與

鄉師

堂共射器州共賓器鄉共吉凶禮樂之器若國大比則考教察辭稽器展事以詔誅賞

鄉大夫之職各掌其鄉之政教禁令正月之吉受教法

于司徒退而頒之于其鄉吏使各以教其所治以攷

其德行察其道藝以歲時登其夫家之眾寡辨其可

任者國中貴者贊者能者服公事者老者疾者皆舍

以歲時入其書三年則大比攷其德行道藝而興賢

者能者鄉老及鄉大夫帥其吏與其眾寡以禮禮賓

之厥明鄉老及鄉大夫群吏獻賢能之書于王王再

按此等事皆在國大比之時

拜受之登于天府內史貳之

退而以鄉射之禮五物詢眾庶一曰和二曰容三曰

主皮四曰和容五曰興舞此謂使民興賢出使長之

使民興能入使治之歲終則令六鄉之吏皆會政致

事正歲令群吏攷法于司徒以退各憲之於其所治

之國大詢于眾庶則各帥其鄉之眾寡而致於朝國

有大故則令民各守其閭以待政令以旌節傳令則

達之

州長各掌其州之教治政令之法正月之吉各屬其州

鄉大夫 州長

之民而讀法以政其德行道藝而勸之以糾其過惡而戒之若以歲時祭祀州社則屬其民而讀法亦如之春秋以禮會民而射於州序凡州之大祭祀大喪皆蒞其事若國作民而師田行役之事則帥而致之掌其戒令與其賞罰歲終則會其州之政令正歲則讀教法如初三年大比則大攷州里以贊鄉大夫廢興

黨正各掌其黨之政令教治及四時之孟月吉日則屬民而讀邦法以糾戒之春秋祭禘亦如之國索鬼神而祭祀則以禮屬民而飲酒于序以正齒位一命齒于鄉里再命齒于父族三命而不齒凡其黨之祭祀喪紀婚冠飲酒教其禮事掌其戒禁凡作民而師田行役則以其法治其政事歲終則會其黨政帥其吏而致事正歲屬民讀法而書其德行道藝以歲時涖校比及大比亦如之

族師各掌其族之戒令政事月吉則屬民而讀邦法書其孝弟睦姻有學者春秋祭酺亦如之以邦比之法帥四閭之吏以時屬民而校登其族之夫家衆寡辨

其貴賤老幼廢疾可任者及其六畜車輦五家為比  
十家為聯五人為伍十人為聯四閭為族八閭為聯  
使之相保相受刑罰慶賞相及相共以受邦職以役  
國事以相葬埋若作民而師田行役則合其卒伍簡  
其兵器以鼓鐸旗物帥而至掌其治令戒禁刑罰歲  
終則會政致事

閭胥各掌其閭之微令以歲時各數其閭之衆寡辨其  
施舍凡春秋之祭祀殺政喪紀之數聚衆庶既比則  
讀法書其敬敏任恤者凡其事掌其比績撻罰之事

比長各掌其比之治五家相受相和親有臯竒衰則相  
及徙于國中及郊則從而受之若徙于它則為之旌  
節而行之若無授無節則唯園土內之

師氏掌以媿詔王以三德教國子一曰至德以為道本  
二曰敏德以為行本三曰孝德以知逆惡教三行一  
曰孝行以親父母二曰友行以尊賢良三曰順行以  
事師長居虎門之左司王朝掌國中失之事以教國  
子弟凡國之貴游子弟學焉凡祭祀會同喪紀軍旅  
王舉則從聽治亦如之使其屬帥四夷之隸各以其

兵殺守王之門外且蹕朝在野外則守內列

保氏掌建王惡而養國子以道乃教之六藝一曰五禮

二曰六樂三曰五射四曰五御古作取五曰六書六曰九數

乃教之六儀一曰祭祀之容二曰賓客之容三曰朝

廷之容四曰喪紀之容五曰軍旅之容六曰車馬之

容凡祭祀賓客會同喪紀軍旅王舉則從聽治亦如

之使其屬守王闈

司諫掌糾萬民之德而勸之朋友正其行而強之道藝

巡問而觀察之以時書其德行道藝辨其能而可任

於國事者以致鄉里之治以詔廢置以行赦宥

司救掌萬民之衰惡過失而誅讓之以禮防禁而救之

凡民之有衰惡者三讓而罰三罰而士加明刑耻諸

嘉石役諸司空其有過失古失下首者字三讓而罰三罰而歸于圜

土凡歲時有天患民病則以節巡國中及郊野而以

王命施惠

諸子掌國子之倅掌其戒令與其教治辨其等正其位

國有大事則帥國子而致於天子唯所用之若有兵

甲之事則授之車甲合其卒伍置其有司以軍法治



之司馬弗正凡國正弗及大祭祀正六牲之體凡樂  
事正舞位授舞器大喪正群子之服位會同賓客作  
群子從凡國之政事國子存遊倅使之脩德學道春  
合諸學秋合諸射以攷其藝而進退之  
訓方氏掌道四方之政事與其上下之志誦四方之傳  
道正歲則布而訓四方而觀新物  
匡人掌達法則匡邦國而觀其慝使無敢反側以聽王  
命

禫人掌誦王志道國之政事以巡天下之邦國而語之

使萬民和悅而正王面

在說

調人掌司萬民之難而諧和之凡過而殺傷人者以民  
成之鳥獸亦如之凡和難父之讎辟諸海外兄弟之  
讎辟諸千里之外從父兄弟之讎不同國君之讎眡  
父師長之讎眡兄弟主友之讎眡從兄弟辟則與之  
瑞節而以執之凡殺人有反殺者使邦國交讎之凡  
殺人而義者不同國令勿讎讎之則死凡有鬪怒者  
成之不可成者則書之先勳者誅之

媒氏掌萬民之判凡男女自成名以上皆書年月日名

殺事祇從凡作祇  
從凡弟

訓方氏匡人禫人調人媒氏

焉令男三十而娶女二十而嫁古無字凡娶判妻入子者皆書之中春之月令會男女於是時也奔者不禁若無故而不用令者罰之古作司凡男女之無夫家者而會之凡嫁子娶妻入幣純帛無過五兩禁遷塋者與嫁殤者古作移凡男女之陰訟聽之于亡國之社其附于刑者歸之于士

大司樂掌成均之法以治建國之學政而合國之子弟焉凡有道者有德者使教焉死則以為樂祖祭於瞽宗以樂德教國子中和祇庸孝友以樂語教國子興

道諷誦言語以樂舞教國子舞雲門大卷大咸大磬大夏大濩大武古作濩以六律六同五聲八音六舞大合樂以致鬼神示以和邦國以諧萬民以安賓客以詭達人以作動物

乃分樂而序之以祭以享古作樂以祀乃奏黃鐘歌大呂舞雲門以祀天神乃奏大簇歌應鐘舞咸池以祭地示乃奏姑洗歌南呂舞大磬以祀四望乃奏蕤賓歌函鍾舞大夏以祭山川乃奏夷則歌小呂舞大濩以享先妣乃奏無射歌夾鍾舞大武古作舞以享先祖凡六樂者

文之以五聲播之以八音

凡六樂者一變而致羽物及山澤之示再變而致羸物及山林之示三變而致鱗物及邱陵之示四變而致毛物及墳衍之示五變而致介物及土示六變而致象物及天神凡樂園鍾為宮黃鍾為角大簇為徵姑洗為羽靈鼓靈鼗孤竹之管雲和之琴瑟雲門之舞冬日至於地上之圜丘奏之若樂六變則天神皆降可得而禮矣凡樂函鍾為宮大簇為角姑洗為徵南呂為羽靈鼓靈鼗孫竹之管空桑之琴瑟咸池之

按古本無路鼓路鼗四字

舞夏日至於澤中之方丘奏之若樂八變則地示皆出可得而禮矣凡樂黃鍾為宮大呂為角大簇為徵應鍾為羽路鼓路鼗陰竹之管龍門之琴瑟九德之歌九聲之舞於宗廟之中奏之若樂九變則人鬼可得而禮矣

凡樂事大祭祀宿縣遂以聲展之王出入則令奏王夏尸出入則令奏肆夏牲出入則令奏昭夏帥國子而舞大饗不入牲其他皆如祭祀大射王出入則令奏王夏及射則令奏騶虞詔諸侯以弓矢舞王大食

三省皆令奏鍾鼓王師大獻則令奏愷樂凡日月食  
四鎮五嶽崩大傀異哉諸侯薨令去樂大札大凶大  
裁大臣死凡國之大憂令弛縣凡建國禁其淫聲過  
聲凶聲慢聲大喪涖廢樂器及葬藏樂器亦如之  
樂師掌國學之政以教國子小舞凡舞有佻舞有羽舞有皇  
舞有旒舞有干舞有人舞教樂儀行以肆夏趨以采  
薺車亦如之環拜以鍾鼓為節凡射王以騶虞為節  
諸侯以狸首為節大夫以采蘋為節士以采繁為節  
凡樂掌其序事治其樂政凡國之小事用樂者令奏

鍾鼓凡樂成則告備詔來瞽臯舞及徹帥學士而歌  
徹令相饗食諸侯序其樂事令奏鍾鼓令相如祭之  
儀燕射帥射夫以弓矢舞樂出入令奏鍾鼓凡軍大  
獻教愷歌遂倡之凡喪陳樂器則帥樂官及序哭亦  
如之凡樂官掌其政令聽其治訟

大胥掌學士之版以待致諸子春入學舍采合舞秋頒  
學合聲以六樂之會正舞位以序出入舞者比樂官  
展樂器凡祭祀之用樂者以鼓微學士序官中之事  
小胥掌學士之微令而比之釡其不敬者巡舞列而撻

其怠慢者正樂縣之位王宮縣諸侯軒縣卿大夫判縣士特縣辨其聲凡縣鍾磬半為堵金為肆

大師掌六律六同以合陰陽之聲陽聲黃鍾大簇姑洗蕤賓夷則無射陰聲大呂應鍾南呂函鍾小呂夾鍾皆文之以五聲宮商角徵羽皆播之以八音金石土革絲木匏竹教六詩曰風曰賦曰比曰興曰雅曰頌以六德為之本以六律為之音大祭祀帥瞽登歌令奏擊附下管播樂器令奏鼓鞀大饗亦如之大射帥瞽而歌射節大師教同律以聽軍聲而詔吉凶大喪

帥瞽而廢作匱諡凡國之瞽朦正焉

小師掌教鼓鼗祝敔塤簫管絃歌大祭祀登歌擊拊下

管擊應鼓徹歌大饗亦如之大喪與廢凡小祭祀小

樂事鼓鞀掌六樂聲音之節與其和

瞽朦掌播鼗祝敔塤簫管絃歌諷誦詩世奠繫鼓琴瑟

掌九德六詩之歌以役大師

眡瞭掌凡樂事播鼗擊頌磬笙磬掌大師之縣凡樂事

相替大喪廢樂器大旅亦如之賓射皆奏其鍾鼓磬愷獻亦如之

按古本無學制下管四字

典同掌六律六同之和以辨天地四方陰陽之聲以為  
樂器凡聲此三字凡聲高聲碨正聲緩下聲肆波聲散險聲斂達  
聲羸微聲籥回聲衍侈聲符奔聲鬱薄聲甄厚聲石  
凡為樂器以十有二律為之數度以十有二聲為之  
齊量凡和樂亦如之

磬師掌教擊磬擊編鍾教慢樂燕樂之鍾磬凡祭祀奏  
縵樂

鍾師掌金奏凡樂事以鍾鼓奏九夏王夏肆夏昭夏納  
夏章夏齊夏族夏祗夏鶩夏凡祭祀饗食奏燕樂凡

射王奏騶虞諸侯奏騶里首卿大夫奏采蘋士奏采芣  
掌鼗鼓縵樂

笙師掌教吹竽笙項籥簫篪篴管春牘應雅以教祗樂  
凡祭祀饗射共其鍾笙之樂燕樂亦如之大喪廡其  
樂器及葬奉而藏之百作奏大旅則陳之

搏師掌金奏之鼓凡祭祀鼓其金奏之樂饗食賓射亦  
如之軍大獻則鼓其愷樂凡軍之夜三鼗皆鼓之守  
鼗亦如之大喪廡其樂器奉而藏之

鞀師掌教鞀樂祭祀則帥其屬而舞之大饗亦如之

旒人掌教舞散樂舞夷樂凡四方之以舞仕者屬焉凡  
祭祀賓客舞其燕樂

籥師掌教國子舞羽飲籥祭祀則鼓羽籥之舞賓客饗  
食則亦如之大喪廢其樂器奉而藏之

籥章掌土鼓函箏中春晝擊土鼓飲函詩以逆暑中秋  
夜迎寒亦如之凡國祈年于田祖飲函雅擊土鼓以  
樂田畷國祭蜡則飲函頌擊土鼓以息老物

鞀鞀氏掌四夷之樂與其聲歌祭祀則飲而歌之燕亦  
如之

典庸器掌藏樂器庸器及祭祀帥其屬而設筍簋陳庸  
器饗食賓射亦如之大喪廢筍簋

司干掌舞器祭祀舞者既陳則授舞器既舞則受之賓  
饗亦如之大喪廢舞器及葬奉而藏之

鼓人掌教六鼓四金之音聲以節音樂以和軍旅以正  
田役教為鼓而辨其聲用以雷鼓鼓神祀以靈鼓鼓  
社祭以路鼓鼓鬼享以鼗鼓鼓軍事以鞀鼓鼓役事  
以晉鼓鼓金奏以金錡和鼓以金鐻節鼓以金鏡止  
鼓以金鐸通鼓凡祭祀百物之神鼓兵舞佻舞者凡

軍旅夜鼓警軍動則鼓其衆田役亦如之救日月則按禮記詔王鼓大喪則詔大僕鼓

舞師掌教兵舞帥而舞山川之祭祀教後舞帥而舞社

稷之祭祀教羽舞帥而舞四方之祭祀教皇舞帥而

舞旱暵之事凡野舞則皆教之凡小祭祀則不與舞

遂人掌邦之野以土地之圖經田野造縣鄙形體之法

五家為鄰五鄰為里四里為鄙五鄙為縣

五縣為遂皆有地域溝樹之使各掌其政令刑禁以

歲時稽其人民而授之田野簡其兵器教之稼穡凡

按本古為都下為字

治野以下劑致阡以田里安阡以樂昏擾阡以土宜

教阡稼穡以興勸利阡以時器勸阡以疆予任阡以

土均平政辨其野之土上地中地地下地以頒田里上

地夫一廛田百畝萊五十晦餘夫亦如之中地夫一

廛田百晦萊百晦餘夫亦如之下地夫一廛田百晦

萊二百晦餘夫亦如之

凡治野夫間有遂遂上有徑十夫有溝溝上有畛百

夫有洫洫上有涂古作涂千夫有澮澮上有道萬夫有川川

上有路以達于畿以歲時登其夫家之衆寡及其六



畜車輦辨其老幼廢疾與其施舍者禮以頒職作事以令貢賦以令帥田以起政役若起野役則令各帥其所治之民而至以遂之大旗致之其不用命者誅之凡國祭祀共野牲令野職凡賓客令脩野道而委積大喪帥六遂之役而致之掌其政令及葬帥而屬六綽及窆陳後凡事致野役而帥田作野民帥而至掌其政治禁令

按古本作政令或禁

遂帥各掌其遂之政教禁令以時登其夫家之衆寡六畜車輦辨其施舍與其可任者經牧其田野辨其可

食者周知其數而任之以徵財征作役事則聽其治訟巡其稼穡而移用其民以救其時事凡國祭祀審其誓戒共其野牲入野職野賦于玉府賓客則巡其道脩危其委積大喪使帥其屬古作率以幄帟先道野役及窆抱磨共其邱籠及蜃車之役軍旅田獵平野民掌其禁令比叙其事而賞罰

遂大夫各掌其遂之政令以歲時稽其夫家之衆寡六畜田野辨其可任者與其可施舍者以教稼穡以稽功事掌其政令戒禁聽其治訟令為邑者歲終則會

政致事正歲簡稼器脩稼政三歲大比則帥其吏而興眊明其有功者屬其地治者凡為邑者以四達戒其功事而誅賞廢興之

縣正各掌其縣之政令徵比以頒田里以分職事掌其治訟趨其稼事而賞罰之若將用野民帥田行役移執事則帥而至治其政令既役則稽功會事而誅賞古作帥部帥各掌其部之政令祭祀凡作民則掌其戒令以時古作部數其衆庶而察其微惡而誅賞歲終則會其部之功而致事

鄮長各掌其鄮之政令以時校登其夫家比其衆寡以治其喪紀祭祀之事若作其民而用之則以旗鼓兵革帥而至若歲時簡器與有司數之凡歲時之戒令皆聽之趨其耕耨稽其女功

里宰掌比其邑之衆寡與其六畜兵器治其政令以歲時合耦于鋤以治稼穡趨其耕耨行其秩叙以待有司之政令而徵歛其財賦

鄰長掌相糾相受凡邑中之政相贊徙于他邑則從而授之

閭師掌國中及四郊之人民六畜之數以任其力以待其政令以時徵其賦凡任民任農以耕事貢九穀任圃以樹事貢草木任工以飭材事貢器物任商以市事貢貨賄任牧以畜事貢鳥獸任嬪以女事貢布帛任衡以山事貢其物任虞以澤事貢其物凡無職者出夫布凡庶民不畜者祭無牲不耕者祭無盛不樹者無擗音擊不蚕者音蠶不帛不績者不裘

縣師掌邦國都鄙稍甸郊里之地域而辨其夫家人民田萊之數及其六畜車輦之稽三年大比則以攷群

吏而以詔廢置若將有軍旅會同田役之戒則受法于司馬以作其衆庶及馬牛車輦會其車人音輿之卒伍使皆備旗鼓兵器以帥而至凡造都邑量其地辨其物而制其域以歲時徵野之賦貢

旅師掌聚野之鋤粟屋粟間粟而用之以質劑致民平頒其興積施其惠散其利而均其政令凡用粟春頒而秋歛之凡新阡之治皆聽之使無征役以地之媿惡為之等

倉人掌粟入之藏辨九穀之物以待邦用若穀不足則

止餘法用有餘則藏之以待凶而頒之凡國之大事  
共道路之穀積食飲之具

廩人掌九穀之數以待國之匪頒古無特字賜稍食以待歲之

上下數邦用以知足否以詔穀用以治年之凶古作豐凶豐凡

萬民之食食者人四鬴上也有人鬴中也有人二鬴下也

若食不能人二鬴則令邦移民就穀詔王殺邦用凡

邦有會同師役之事則治其糧與其食大祭祀則共

其接盛

遺人掌邦之委積以待施惠鄉里之委積以恤民之羸

阨門關之委積以養老古作孤老孤古無詳郊里之委積以待賓客野

鄙之委積以待羈旅縣都之委積以待凶荒凡賓客

會同師役掌其道路之委積凡國野之道十里有廬

廬有飲食三十里有宿宿有路室路室有委五十里

有市市有候館候館有積古無積字凡委積之事巡而比之以

時頒之

稍人掌令邱乘之政令若有會同師田行役之事則以

縣師之法作其同徒輦輦帥而以至治其政令以聽

於司馬大喪帥蜃車與其役以至掌其政令以聽於

司徒

委人掌斂野之賦斂薪芻凡䟽材木材凡畜聚之物以  
稍聚待賓客以甸聚待羈旅凡其存餘聚以待頒賜以  
式法共祭祀之薪蒸木材賓客共其芻薪喪紀共其  
薪蒸木材軍旅共其委積芻薪凡存餘䟽材共野委兵器  
與其野囿財用凡軍旅之賓客館焉



春官宗伯第三

惟王建國辨方正位脩國經野設官分職以為民極

乃立春官宗伯使帥其屬而掌邦禮以佐王和邦國

大<sup>按古本作宗伯</sup>伯宗之職掌建邦之天神人鬼地示之禮以佐王建

保邦國以吉禮事邦國之鬼神示以禮祀祀昊天上帝

以實柴祀日月星辰以禋燎司中司命風師雨師

以血祭社稷五祀<sup>五嶽</sup>以狸沉祭山林川澤以醯辜

祭四方百物以肆獻裸享先王<sup>享</sup>以饋食享先王以祠

春享先王以禴夏享先王以嘗秋享先王以烝冬享

按古本作宗伯  
風作飄無祭下有祭  
字

大宗伯

一

國家圖書館, NATIONAL CENTRAL LIBRARY, TAIWAN, R.O.C.

先王

以凶禮哀邦國之憂以喪禮哀死亡以荒禮哀凶札  
以弔禮哀禍哉以禴禮哀圍敗以恤禮哀寇亂  
以賓禮親邦國春見曰朝夏見曰宗秋見曰覲冬見  
曰遇時見曰會殷見曰同時聘曰問殷頌曰視  
以軍禮同邦國大帥之禮用衆也大均之禮恤衆也  
大田之禮簡衆也大役之禮任衆也大封之禮合衆  
也

以嘉禮親萬民以飲食之禮親宗族兄弟以昏冠之

禮親成男女以賓射之禮親故舊朋友以饗燕之禮  
親四方之賓客以服膺<sup>一作膚</sup>之禮親兄弟之國以賀慶之  
禮親異姓之國

以九儀之命正邦國之位一命受職再命受服三命  
受位四命受器五命賜則六命賜官七命賜國八命  
作牧九命作伯以玉作六瑞以等邦國王執鎮圭公  
執桓圭侯執信圭伯執躬圭子執穀璧男執蒲璧以  
禽作六摯以等諸臣孤執皮帛卿執羔大夫執鴈士  
執雉庶人執鶩工商執鷄以玉作六器以禮天地四

方以蒼璧禮天以黃琮禮地以青圭禮東方以赤璋  
禮南方以白琥禮西方以元璜禮北方皆有牲幣各  
放其器之色

以天產作陰德以中禮防之以地產作陽德以和樂  
防之以禮樂合天地之化百物之產以事鬼神以諧  
萬民以致百物

凡祀大神享大鬼祭大示帥執事而卜日宿<sub>古作賦</sub>祗滌濯  
涖玉鬯省牲鑊奉玉盥詔大號治其大禮詔相王之  
大禮若王不與祭祀則攝位凡大祭祀王后不與則

攝而薦豆<sub>古作豆</sub>遵徹大賓客<sub>古作賓</sub>攝而載果朝覲會同則為上  
相大喪亦如之王哭諸侯亦如之王命諸侯則僨國  
有大故則旅上帝及四望王大封則先告后土乃頒  
祀于邦國都鄙<sub>家古作鄙</sub>鄉邑

小宗伯之職掌建國之神位右社稷左宗廟兆五帝於  
四郊四望四類亦如之兆山川邱陵墳禘各因其方  
掌五禮之禁令與其用等辨廟祧之昭穆辨吉凶之  
五服車旗宮室之禁掌三族之別以辨親疎其正室  
皆謂之門子掌其政令



毛六牲辨其名物而頒之于五官使共奉之辨六齎  
之名物與其用使六宮之人共奉之辨六彝之名物  
以待果將辨六尊之名物以待祭祀賓客掌衣服車  
旗宮室之掌賜掌四時祭祀之敘事與其禮若國大  
貞則奉玉帛以詔號大祭祀者牲眡滌濯祭之日逆  
盥省鑊告時于王告備于王凡祭祀賓客以時將瓊  
果詔相祭祀之小禮凡大禮佐大宗伯賜卿大夫士  
爵則備小祭祀掌事如大宗伯之禮大賓客受其將  
幣之齎

若大師則帥有司而立軍社奉主車若軍將有事則  
與祭有司將事于四望高堂若大甸則帥有司而饁獸于  
郊遂頒禽大裁及執事禱祠于上下神示王崩大肆  
以鉅盞泚及執事澁大飲小飲帥異族而佐縣衰冠  
之式于路門之外及執事眡葬獻器遂哭之卜葬兆  
甫窆亦如之既葬詔相喪祭之禮成葬而祭墓為位  
凡王之會同軍旅甸役之禱祠肆儀為位國有禍裁百作或禍  
則亦如之凡天地之大裁類社稷宗廟則為位凡國  
之大禮佐大宗伯凡小禮掌事如大宗伯之儀

肆師之職掌立國祀之禮以佐大宗伯立大祀用玉帛  
牲牲立次祀用牲幣立小祀用牲以歲時序其祭祀  
及其祈禱禱大祭祀展犧牲繫于牢頒于職人凡祭祀  
之下日宿為期詔相其禮賦滌濯亦如之祭之日表  
盥盛告潔展器陳告備及裸築鬻相治小禮誅其怠  
慢者掌兆中廟中之禁令凡祭祀禮成則告事畢大  
賓客涖筵几築鬻宜無鬻字將贊裸將大朝覲佐殯共設篚壺  
之禮饗食授祭與祝侯禳于壘及郊大喪大泚以鬯  
則築鬻令外內命婦序哭禁外內命男女之哀不中

法者且授之杖

凡師甸用牲于社宗則為位類造上帝封于大神祭  
兵于山川亦如之凡師不功則助牽主車凡四時之  
大甸宜無甸字獵祭表貉則為位嘗之日涖下來歲之芟宜無芟字獮之  
日涖下來歲之戒社之日涖下來歲之稼若國有大  
故則令國人祭歲時之祭祀亦如之凡鄉大夫之喪  
相其禮國之大事治其禮儀以佐宗伯凡國之小事  
治其禮儀而掌其事如宗伯之禮  
典命掌諸侯之五儀諸臣之五等之命上公九命為伯

其國家宮室車旗衣服禮儀皆以九為節侯伯七命  
 其國家宮室車旗衣服禮儀皆以七為節子男五命  
 其國家宮室車旗衣服禮儀皆以五為節王之三公  
 八命其卿六命其大夫四命凡諸侯之適子誓於天  
 子攝其君則下其君之禮一等未誓則皮帛繼子男公  
 之孤四命以皮帛賦小國之君其卿三命其大夫再  
 命其士一命其宮室車旗衣服禮儀各賦其命之數  
 侯伯之卿大夫士亦如之子男之卿再命其大夫一  
 命其士不命其宮室車旗衣服禮儀各賦其命之數

典瑞掌玉瑞玉器之藏辨其名物與其用事設其服飾

王作指晉大圭執鎮圭繅藉五采五就以朝日公執桓圭

侯執信圭伯執躬圭繅皆三采三就子執穀璧男執

蒲璧繅皆二采再就以朝覲宗遇會同于王諸侯相

見亦如之瑑圭璋璧琮繅皆二采一就以頰聘四圭

有邸以祀天旅上帝兩圭有邸以祀地旅四望裸圭

有瓚以肆先王以裸賓皆客字圭璧以祀日月星辰璋邸射

以祀山川以造贈賓客

土圭以致四時日月封國則以土地珍圭以徵守以

恤凶荒牙璋以起軍旅以治兵守璧羨以起度駟圭  
璋璧琮琥璜之渠眉疏璧琮以歛尸穀圭以和難以  
聘女琬圭以治德以結好琰圭以易行以除慝大祭  
祀大旅凡賓客之事共其玉器而奉之大喪共飯玉  
合玉贈玉凡玉器出則共奉之

中車掌公車之政令辨其用與其旗物而等叙之以治  
其出入王之五路一曰玉路錫樊纓十有再就建大  
常十有二游以祀二曰金路鈎樊纓九就建大旗以  
賓同姓以封三曰象路朱樊纓七就建大赤以朝異

姓以封四曰革路龍勒條纓五就建大白以即戎以  
封四衛五曰木路前樊鵠纓建大麾以田以封蕃國  
王后之五路重翟錫面朱總厭翟勒面績總安車雕  
面鷲總皆有容蓋翟車貝面組總有握輦車組輓有  
翬羽蓋

王之喪車五乘木車蒲蔽犬禛尾橐䟽飾小服皆䟽  
素車旒蔽犬禛素飾小服皆素藻車藻蔽鹿淺禛草  
飾駝車萑蔽然禛髹飾漆車藩蔽紆禛雀飾服車五  
乘孤乘夏篆卿乘夏纓大夫乘墨車士乘棧車庶人

乘役車凡良車散車不在等者其用無常凡車之出入歲會則會之凡賜闕之毀折入齋于職幣大喪飾遣車遂廡之行及葬執蓋從車持旌及墓嘑啓關陳車小喪共匱路與其飾歲時更續共其幣車大祭祀鳴鈴以應雞人

典路掌王及后之五路辨其名物與其用說若有大祭祀則出路贊駕說大喪大賓客亦如之凡會同軍旅吊于四方以路從

車僕掌戎車之萃廣車之萃闕車之萃萃車之萃輕車

之萃凡師共革車各以其萃會同亦如之大喪廡革車大射共三之

節服氏掌祭祀朝覲衮冕六人維王之大常諸侯則四人其服亦如之鞞鞞裘冕二人執戈送迎送迎尸從車

司常掌九旗之物名各有屬以待國事日月為常交龍為旂通帛為旌雜帛為物熊虎為旗烏隼為旗龜蛇為旒全羽為旛析羽為旌及國之大閱贊司馬頒旗物王建大常諸侯建旂孤卿建旌大夫士建物帥都建旗州里建旗縣縣建旒道車載旌旒車載旌皆畫

其象焉官府各象其事州里各象其名家各象其號  
凡祭祀各建其旗會同賓客亦如之置旌門大喪共  
銘旌建廠車之旌及葬亦如之凡軍事建旌旗及致  
民置旗弊之旬亦如之凡射共獲旌歲時共更旌  
鬻人掌裸器大祭凡大祭祀賓客之裸事和鬻鬻以實彝而  
陳之凡裸玉濯之陳之以贊裸事詔裸將之儀與其  
節凡裸事沃盥大喪之泚共其肆器及葬共其裸器  
送狸之大祭祀與量人受舉等之卒爵而飲之  
鬻人掌共秬鬻而飾之凡祭祀社壇用大壘崇門用瓢

古共下有其字

齋廟用脩凡山川四方用蜃凡裸事用概在存錄凡謫事用  
散大喪之大泚設斗共其鬻鬻凡王之齋事共其秬  
鬻凡王吊臨共介鬻

司尊彝掌六尊六彝之位詔其酌辨其用與用賓春祠  
夏禴裸用雞彝鳥彝皆有舟其朝踐用兩獻尊其再  
獻用兩象尊皆有壘在存錄諸臣之所酢也秋嘗冬烝裸用  
尊皆有壘諸臣之所酢也凡四時之間祀追享裸用  
虎彝雉彝皆有舟其朝踐用兩大尊其再獻用兩山

按古本通字下有  
朝享

尊皆有罍諸臣之所酢也凡六彝六尊之酌鬱齊獻酌醴齊縮酌盞齊洗酌凡酒脩酌大喪存奠彝大旅亦如之

司几筵掌五几五席之名物辨其用與其位凡大朝覲大饗射凡封國命諸侯王位設黼依前南鄉設莞右席筵紛純加繅席畫純加次席黼純左右玉几凡祀先王昨席亦如之諸侯祭祀席蒲筵績純加莞席紛純右雕几昨席莞筵紛純加繅席畫純筵國賓于牖前亦如之左彤几甸役則設熊席右漆几凡喪事設葦

席右素几其相席用萑蒲純諸侯則紛純每敦一几凡吉事變几凶事仍几

典祀掌外祀之兆守皆有域掌其政令若以時祭祀則帥其屬而脩除微役于司隸而役之及祭帥其屬而守其厲禁而蹕之

都宗人掌都祭祀之禮凡都祭祀致福于國正都禮與其服若有寇戎之事則保群臣之墳國有大故則令禱祠既祭反命于國

家宗人掌家祭祀之禮凡祭祀致福國有大故則令禱

祠反命祭亦如之掌家禮與其衣服宮室車旗之禁令

守祧掌守先王先公之廟祧其遺衣服藏焉若將祭祀

則各以其服授尸其廟則有司脩除之其祧則有司

黜墜之既祭則藏其隋與其服

凡以神仕者在無名數者皆以無數以其藝為責賤之等掌三辰之法以

猶鬼神示之居辨其名物以冬至致天神人鬼以

夏日至致地示物魁以禴國之凶荒民之札喪

職喪掌諸侯之喪及卿大夫士凡有爵者之喪以國之

按有司無古作守

按百本此及石經字

喪禮滋其禁令序其事凡國有司以王命有事焉則  
詔贊主人凡其喪祭詔其號治其禮凡公有司之所  
共職喪詔之趣其事

大行人掌大賓之禮及大客之儀以親諸侯春朝諸侯  
而圖天下之事秋覲以比邦國之功夏宗以陳天下  
之讓冬遇以協諸侯之慮時會以發四方之禁殷同  
以施天下之政時聘以結諸侯之好殷頌以除邦國  
之慝間問以諭諸侯之志歸服以交諸侯之福賀慶  
以贊諸侯之喜致禧以補諸侯之戾

守祧神仕職喪大行人

十一



以九儀辨諸侯之命等諸臣之爵以同邦國之禮而待其賓客上公之禮執桓圭九寸纁藉九寸冕服九章建常九旒樊纓九就貳車九乘介九人禮九牢其朝位賓主之間九十步立當車軹擯者五人廟中將幣三享王禮再裸而酢饗禮九獻食禮九舉出入五積五問三勞諸侯之禮執信圭七寸纁藉七寸冕服七章建常七旒樊纓七就貳車七乘介七人禮七牢朝位賓主之間七十步立當前疾擯者四人廟中將幣三享王禮壹裸而酢饗禮七獻食禮七舉出入四

積再問再勞諸伯執躬圭其他皆如諸侯之禮諸子執穀璧五寸纁藉五寸冕服五章建常五旒樊纓五就貳車五乘介五人禮五牢朝位賓主之間五十步立當車軹擯者三人廟中將幣三享王禮壹裸不酢饗禮五獻食禮五舉出入三積壹問壹勞諸男執蒲璧其他皆如諸子之禮

凡大國之孤執皮帛以繼小國之君出入三積不問壹勞朝位當車前不交擯廟中無相以酒禮之其他皆賦小國之君凡諸侯之卿各下其君二等以下及

其大夫士亦如之

邦畿方千里其外方五百里謂之侯服歲一見其貢  
祀物又其外方五百里謂之甸服二歲一見其貢嬪  
物又其外方五百里謂之男服三歲一見其貢器物  
又其外方五百里謂之采服四歲一見其貢服物又  
其外方五百里謂之衛服五歲一見其貢材物又其  
外方五百里謂之要服六歲一見其貢貨物九州之  
外謂之蕃國世一見各以其所貴寶為贄

王之所以撫邦國諸侯者歲徧存三歲徧頤五歲徧

省七歲屬象胥諭言語協辭命九歲瞽史諭書名聽  
五音十有一歲達瑞節同度量成牢禮同數器脩法  
則十有二歲王巡守殷國

凡諸侯之王事辨其位正其等協其禮賓而見之若  
有大喪則詔相諸侯之禮若有四方之大事則受幣  
幣聽其辭凡諸侯之邦交歲相問也殷相聘也世相  
朝也

小行人掌邦國賓客之禮籍以待四方之使者令諸侯  
春入貢秋獻功王親受之各以其國之籍禮之凡諸

侯入王則逆勞于畿及郊勞既館將帶為承而損  
凡四方之使者大客則損小客則受其帶而聽其辭  
使適四方協九儀賓客之禮朝覲宗過會同君之禮  
也存煩省聘問臣之禮也達天下之六節山國用虎  
節土國用人節澤國用龍節皆以金為之道路用旌  
節門閭用符節都鄙用管節皆以竹為之成六瑞王  
用鎮圭公用桓圭侯用信圭伯用躬圭子用穀璧男  
用蒲璧合六幣圭以馬璋以皮璧以帛琮以錦琥以  
繡璜以黼此六物者以合諸侯之好故

若國札喪則令賻補之若國凶荒則令凋婁之若國  
師役則令搞禴之若國有福事則令慶賀之若國有  
禍裁則令哀弔之凡此五物者治其事故及其萬民  
之利害為一書其禮俗政事教治刑禁之逆順為一  
書其悖逆暴亂作慝猶犯令者為一書其札喪凶荒  
厄貧為一書其康樂和親安平為一書凡此五物者  
每國辨異之以反命于王以周知天下之故  
司儀掌九儀之賓客損相之禮以詔儀容辭令揖讓之  
節將合諸侯則令為壇三成宮旁一門詔王儀南鄉

見諸侯土揖庶姓時揖異姓天揖同姓及其損之各以其禮公於上等侯伯於中等子男於下等其將幣亦如之其禮亦如之王燕則諸侯毛

凡諸公相為賓主國五積三問皆三辭拜受皆旅擯再勞三辭三揖登拜受拜送主君郊勞交擯三辭車逆拜辱三揖三辭拜受車送三還再拜致館亦如之致饗如致積之禮及將幣交擯三辭車逆拜辱賓車進答拜三揖三讓每門止一相及廟唯工相入賓三揖三讓登再拜授幣賓拜送幣每事如初賓亦如之

及出車送三請三進再拜賓三還三辭告辟致饗餼還壹饗食致贈郊送皆如將幣之儀賓之拜禮拜饗餼拜饗食賓繼主君皆如主國之禮諸侯諸伯諸子諸男之相為賓也各以其禮相待也如諸公之儀諸公之臣相為國客則三積皆三辭拜受及大夫郊勞旅擯三辭拜辱三讓登聽命下拜登受賓使者如初之儀及退拜送致館如初之儀及將幣旅擯三辭拜逆客辟三揖每門止一相及廟唯君相入三讓客登拜客三辟授幣下出每事如初之儀及禮私面私

獻皆再拜稽首君答拜出及中門之外問君客再拜對君拜客辟而對君問大夫客對君勞客客再拜稽首君答拜客趨辟致饗饋如勞之禮饗食還圭如將幣之儀君館客客辟介受命逆送客從拜辱於朝明日客拜禮賜逆行如入之積凡侯伯子男之臣以其國之爵相為客而相禮其儀亦如之凡四方之賓客禮儀辭命饋牢賜獻以二等從其爵而上下之凡賓客送逆司禮凡諸侯之交各稱其邦而為之幣以其幣為之禮凡行人之儀不朝不夕不

正其主面亦不背客

行夫掌邦國傳遽之小事微惡而無禮者凡其使也必以旌節雖道有難而不時必達居於其國則掌行人之勞辱事焉使則介之

環人掌送逆邦國之通賓客以路節達諸四方舍則授館令聚橐有任器則令環之凡門闕無幾送逆及疆象胥掌蠻夷閩貉戎狄之國使掌傳王之言而諭說焉以和親之若以時入賓則協其禮與其辭言傳之凡其出入送逆之禮節幣帛辭令而賓相之凡國之大

喪詔相國客之禮儀而正其位凡軍旅會同受國客  
幣而賓禮之凡作事王之大事諸侯決事卿次事大  
夫次事上士下事庶子

掌客掌四方賓客之牢禮餼獻飲食之等數與其政治  
王合諸侯而饗禮則具十有二牢庶具百物備諸侯  
長十有再獻王巡守殷國則國若膳以牲犢令百官  
百牲皆具從者三公祗上公之禮卿祗侯伯之禮大  
夫祗子男之禮士祗諸侯之卿禮庶子壹祗其大夫  
之禮

凡諸侯之禮上公五積皆祗饗牽三問皆脩群介行  
人宰史皆有牢饗五牢食四十簋十豆四十鉶十  
有二壺四十鼎簋十有二脎三十有六皆陳饗餼九  
牢其死牢如饗之陳牽四牢米百有二十宮醢醢百  
有二十饗皆陳車米祗生牢牢十車車乘有五數車  
禾祗死牢牢十車車三稅芻薪倍禾皆陳乘禽日九  
十雙殷膳大牢以及歸三饗三食三燕若弗酌則以  
幣致之凡介行人宰史皆有饗饗餼以其爵等為之  
牢禮之陳數唯上介有禽獻夫人致禮八壺八豆八

籩膳大牢致饗大牢食大牢卿皆見以羔膳大牢

侯伯四積皆眡饗牽再問皆脩饗四牢食三十有二

簋八豆三十有二鉶二十有八壺三十有二鬯簋十

有二腥二十有七皆陳饗餼七牢其死牢如饗之陳

牽三牢米百莒醢醢百鹽皆陳米三十車禾四十車

芻薪倍禾皆陳乘禽日七十雙殷膳大牢三饗再食

再燕凡介行人宰史皆有饗饗餼以其爵等為之禮

唯上介有禽獻夫人致禮八壺八豆八籩膳大牢致

饗大牢卿皆見以羔膳特牛子男三積皆眡饗牽壹

問以脩饗三牢食二十有四簋六豆二十有四鉶十

有八壺二十有四鬯簋十有二腥十有八皆陳饗餼

五牢其死牢如饗之陳牽二牢米八十莒醢醢八十

鹽皆陳米二十車禾三十車芻薪倍禾皆陳乘禽日

五十雙壹饗壹食壹燕凡介行人宰史皆有饗饗餼

以為其爵等為之禮唯上介有禽獻夫人致禮六壺六

豆六籩膳眡致饗親見卿皆膳特牛

凡諸侯之卿大夫士為國客則如其介之禮以待之

凡禮賓客國新殺禮凶荒殺禮札喪殺禮禍裁殺禮

在野在外殺禮凡賓客死致禮以喪用賓客有喪唯  
易稍之受遭主國之喪不受饗食受牲禮

掌訝掌邦國之等籍以待賓客若將有國賓客至則戒  
官備委積與士逆賓于疆為前驅而入及宿則令聚  
橐及委則致積至于國賓入館次于舍門外待事于  
客及將幣為前驅至于朝詔其位入復及退亦如之  
凡賓客之治令訝治之凡從者出則使人道之及  
歸送亦如之凡賓客諸侯有卿訝卿有大夫訝大夫  
有士訝士皆有訝凡訝者賓客至而往詔相其事而

### 掌其治令

掌交掌以節與幣巡邦國之諸侯及其萬民之所聚者  
道王之德意志慮使咸知王之好惡辟行之使和諸  
侯之好達萬民之說掌邦國之通事而結其友好以  
諭九稅之利九禮之親九牧之維九禁之難九戎之  
威

大卜掌三兆之法一曰玉兆二曰瓦兆三曰原兆其經  
兆之體皆百有二十其頌皆千有二百掌三易之法  
一曰連山二曰歸藏三曰周易其經卦皆八其別皆



六十有四掌三夢之法一曰致夢二曰騎夢三曰咸  
涉其經運十其別九十以邦事作龜之八命一曰征  
二曰象三曰與四曰謀五曰果六曰至七曰雨八曰  
膠以八命者贊三兆三易三夢之占以觀國家之吉  
凶以詔救政凡國大貞卜立君卜大封則眠高作龜  
大祭祀則眠高命龜凡小事涖卜國大遷大師則貞  
龜凡旅陳龜凡喪事命龜

卜師掌開龜之四兆一曰方兆二曰功兆三曰義兆四  
曰弓兆凡卜事眠高揚火以作龜致其墨凡卜辨龜

之上下左右陰陽以授命龜者而詔相之

龜人掌六龜之屬各有名物按古本無此二句天龜曰靈屬地龜曰繹屬

東龜曰采屬西龜曰雷屬南龜曰獵屬北龜曰若屬  
以其方之色與其體辨之凡取龜用秋時攻龜用春  
時各以其物其入于龜室上春學龜祭祀先卜若有祭  
事則奉龜以往旅亦如之喪亦如之

萁氏掌共燂契以待卜事凡卜以明火藝燂遂歛其燂  
契以授卜師遂殺之

占人掌占龜以八筮占八頌以八卦占筮之八故以眠

吉凶凡卜筮君占體大夫占色史占墨卜人占珥凡  
卜筮既事則繫帶以比其命歲終則計其占之中否  
筮人掌三易以辨九筮之名一曰連山二曰歸藏三曰  
周易九筮之名一曰巫更二曰巫咸三曰巫式四曰  
巫目五曰巫易六曰巫比七曰巫祠八曰巫參九曰  
巫環以辨吉凶凡國之大事先筮而後卜上春相筮  
凡國事共筮

占夢掌其歲時觀天地之會辨陰陽之氣以日月星辰  
占六夢之吉凶一曰噩夢二曰噩夢三曰思夢四曰

寤夢五曰喜夢六曰懼夢季冬聘正夢獻吉夢于王  
王拜而受之乃舍萌于四方以贈惡夢遂令始難歐  
疫

眠祲掌十輝之法以觀妖祥辨吉凶一曰祲二曰象三  
曰鑄四曰監五曰闇六曰膏七曰彌八曰叙九曰隤  
十曰想掌安宅叙降正歲則行事歲終則弊其事  
大祝掌六祝之辭以事鬼神示祈福祥求永貞一曰順  
祝二曰年祝三曰吉祝四曰化祝五曰瑞祝六曰筮  
祝掌六祈以同鬼神示一曰類二曰造三曰禴四曰

崇五日攻六日說作六辭以通上下親踈遠近一日  
祠二日命三日誥四日會五日禱六日誅辨六號一  
曰神號二曰鬼號三曰示號四曰牲號五曰盥號六  
曰幣號辨九祭二曰命祭二曰衍祭三日炮祭四曰  
周祭五日振祭六曰擣祭七曰絕祭八曰縹祭九曰  
共祭辨九擗古擗一曰稽首二曰頓首三曰空首四曰振  
動五曰吉擗六曰凶擗七曰奇擗八曰褒擗九曰肅  
擗以享右祭祀凡大禮祀肆享祭示則執明水火而  
號祝隨覺逆牲逆尸令鐘鼓右亦如之來瞽令臯舞

相尸禮既祭令徹大喪始崩以肆鬯灋尸相飯贊飲  
徹奠言甸人讀禱付練祥掌國事國有大故天裁彌  
祀社稷禱祠大師宜于社造于祖設軍社類上帝國  
將有事于四望及軍歸獻于社則前祝大會同造于  
廟宜於社過大山川則用事焉反行舍奠建邦國先  
告后土用牲幣禁督逆祀命者頒祭號于邦國都鄙  
小祝掌小祭祀將事侯禋禱祠之祝號以祈福祥順豐  
年逆時雨寧風旱彌裁兵遠臯疾大祭祀逆盥盛送  
逆尸沃尸盥贊隨贊徹贊奠凡事佐大祝大喪贊灋

設熬置銘及葬設道齋之奠分禱五祀大師掌學祈號祀有寇戎之事則保郊祀于社凡內外小祭祀小喪紀小會同小軍旅掌事焉

喪祝掌大喪勸防之事及辟令啟及朝御匿乃奠及祖

飾棺乃載遂御及葬御匿出宮乃代及壙說載除飾

小喪亦如之掌喪祭號祝王吊則與巫前掌勝國邑

之社稷之祝號以祭祀禱祠焉凡卿大夫之喪掌事

而飲飾棺焉

甸祝掌四時之田表貉之祝號舍奠于祖廟禴亦如之

師甸致禽于虞中乃屬禽及郊饁獸舍奠于祖禴乃

飲禽禴牲馬皆掌其祝號

詛祝掌盟詛類造攻說禴禜之祝號作盟詛之載辭以

叙國之信用以質邦國之劇信

司巫掌群巫之政令若國大旱則帥巫而舞雩國有大

災則帥巫而造巫恒祭祀則共匱主及道布及菹館

凡祭祀守瘞凡喪事掌巫降之禮

男巫掌望祀望衍授號旁招以茅冬堂贈無方無筭春

招弭以除疾病王吊則與祝前

女巫掌歲時祓除古禮字鬻浴早暝則舞雩若王后吊則與祝  
前凡邦之大裁則歌哭而請

祭僕掌受命于王以眡祭祀而警戒祭祀有司糾百官  
之戒具既祭帥群有司而反命古禮字以王命勞之誅其不  
敬者大喪復於小廟凡祭祀古禮字王之所不與則賜之禽

都家亦如之凡祭祀致福者展而受之

小臣掌王之小命詔相王之小法儀掌三公及卿古禮字孤之

復逆正王之燕服佐王之燕出入則前驅古禮字大祭祀朝

覲沃王盥小祭祀賓客古禮字享食賓射掌事如大僕之法

掌士大夫之吊勞凡大事佐大僕

夏采掌大喪以冕服復于大祖以乘車建綏復于四郊

掌舍掌王之會同之舍設楹桓再重設車宮棘門為壇

壇宮棘門為帷宮設旌門無宮則共人門凡舍事則

掌之

掌次掌王之之法以待張事王大旅上帝則張壇案設

皇邸朝日祀五帝則張大次小次設重幣重案合諸

侯亦如之師田則張幕設重幣重案諸侯朝覲會同

則張大次小次師田則張幕設案孤卿有邦事則張

幕設案凡喪王則張帟三重諸侯再重孤卿大夫不  
重凡祭祀張其旅幕張尸次射則張耦次掌凡邦之  
張事

幕人掌帷幕幄帟綬之事凡朝覲會同軍旅田役祭祀

共其帷幕幄帟綬大喪共其帷幕帟綬

伊耆氏掌國之大祭祀共其杖咸軍旅授有爵者杖共

王之齒杖

司烜氏掌以夫遂取明火於日以鑿取明水於月以共

祭祀之明盥明燭共明水凡邦之大事共墳燭庭燎

中春以木鐸脩火禁于國中軍旅脩火禁邦若屋誅  
則為明霤焉

司火掌行火之政令四時變國火以救時疾季春出火

民咸從之季秋內火民亦如之時則施火令凡祭祀

則祭燿凡國失火野焚萊則有刑罰焉

牧人掌牧六牲而阜蕃其物以共祭祀之牲牲凡陽祀

用騂牲毛之陰祀用黝牲毛之望祀古作望各以其方之色

牲而毛之凡時祀之牲必用牲物古作牲凡外祭毀事用羆

可也凡祭祀共其犧牲以授充人繫之凡牲不繫者

按古本無下其字  
未之者十一字三云  
及卿大夫之喪其正  
帝

按古本作司燿

共奉之

充人掌繫祭祀之牲拴祀五帝則繫于牢芻之三月享先王亦如之凡散祭祀之牲繫于國門使養之展牲則告牲碩牲則贊

牛人掌養國之公牛以待國之政令凡祭祀共其享牛求牛以授職人而芻之凡賓客之事共其牢禮積膳之牛饗食賓射共其膳羞之牛軍事共其犒牛喪事共其奠牛凡會同軍旅行役共其兵車之牛與其牽犗以載公任器凡祭祀共其牛牲之互與其盆音無繫以

待事

犬人掌犬牲凡祭祀共犬牲用牲物伏瘞亦如之凡幾珥沈辜用駝可也凡相犬牽犬者屬焉掌其政令

雞人掌共雞牲辨其物大祭祀夜等旦以器音器百官凡國之大賓客會同軍旅喪紀亦如之凡國事為期則告之時凡祭祀面禳釁共其雞牲

羊人掌羊牲凡祭祀飾羔祭祀割羊牲登其首凡祈珥共其羊牲賓客共其法羊凡沈辜侯禳釁積共其羊牲若牧人無牲則受布于司馬使其賈買牲而共之

按古本作采人

小子掌祭祀羞羊肆羊敎肉豆而掌珥于社稷祈于五  
祀凡沈辜侯禴飾其牲饗邦器及軍器凡師田斬牲  
以左右狗陳祭祀贊羞受徹焉  
春人掌共米物祭祀共<sup>其</sup>盞盛之米賓客共其牢禮之米  
凡饗食共其食米掌凡米事  
饌人掌凡祭祀共盛共王及后之六食凡賓客共其簋  
簋之實饗食亦如之  
犒人掌共內外朝覲會者之食若饗耆老孤子士庶子  
共其食掌黍祭祀之犬



夏官司馬第四

惟王建國辨方正位體國經野設官分職以為民極  
乃立夏官司馬使帥其屬而掌邦政以佐王平邦國  
大司馬之職掌建邦之九法以佐王平邦國制畿封國  
以正邦國設儀辨位以等邦國進賢興功以作邦國  
建牧立監以維邦國制軍詰禁以糾邦國施貢分職  
以任邦國簡稽鄉民以用邦國均守平則以安邦國  
比小事大以和邦國以九代之法正邦國馮弱犯寡  
則責之賊賢害民則伐之暴內陵外則壇之野荒民

禮記卷之八十七  
祭義第八十七

散則刑之負固不服則侵之賊殺其親則正之放弑其君則殘之犯令陵政則杜之外內亂烏獸行則滅之正月之吉始和布政于邦國都鄙乃縣政象之法于象魏使萬民觀政象挾日而飲之中春教振旅司馬以旗致民平列陳如戰之陳辨鼓鐸鐸鐸之用王執路鼓諸侯執賁鼓軍將執晉鼓帥帥執提旅帥執鼙卒長執鐃兩司馬執鐸公司馬執獨以教生作進退疾徐疏數之節逆以蒐田有司表貉誓民鼓遂圍禁火弊獻禽以祭社

中夏教菱舍如振旅之陳群吏撰車徒讀書契辨號名之用帥以門名縣鄙各以其名家以號名鄉以州名野以邑名百官各象其事以辨軍之夜事其他皆如振旅遂以蒐田如蒐之法車弊獻禽以享初中秋教治兵如振旅之陳辨旗物之用王載大常諸侯載旂軍吏載旗帥都載旌鄉遂載物郊野載旒百官載旗各書其事與其號焉其他皆如振旅遂以獮田如蒐田之法羅弊致禽以祀祊中冬教大閱前期群吏戒衆庶脩戰法虞人菜所田

之野為表百步則一為三表又五十步為一表田之  
日司馬建旗于後表之中群吏以旗物鼓鐸鑼各  
帥其民而致質明弊旗誅後至者乃陳車徒如戰之  
陳皆坐群吏聽誓于陳前斬牲以左右徇陳曰不用  
命者斬之中軍以鞀令鼓鼓人皆三鼓司馬振鐸群  
吏作旗車徒皆作鼓行鳴鑼車徒皆行及表乃止三  
鼓挽鐸群吏弊旗車徒皆坐又三鼓振鐸作旗車徒  
皆作鼓進鳴鑼車徒趨及表乃止坐作如初乃鼓  
車馳徒走及表乃止鼓戒三闌車三發徒三刺乃鼓

退鳴鑼且卻及表乃止坐作如初

遂以狩田以旌為左右和之門群吏各帥其車徒以  
叙和出左右陳車徒有司平之旗居卒間以分地前  
後有七百步有司巡其前後險野人為主易野車為  
主既陳乃設驅逆之車有司表貉于陳前中軍以鞀  
令鼓鼓人皆三鼓群司馬振鐸車徒皆作逆鼓行徒  
銜枚而進大獸公之小禽私之獲者取左耳及所弊  
鼓皆馘車徒皆譟徒乃弊致禽饁獸于郊入獻禽以

享烝

及師大合軍以行禁令以救無辜伐有罪若大師則掌其戒令注大卜師執事注灋主及軍器及致建大常比軍衆誅後至者及戰巡陳眡事而賞罰若師有功則左執律右秉鉞以先愷樂獻于社若師不功則厭而奉主車

王弔勞士庶子則相大役與慮事屬其植受其要以待考而誅賞大會同則帥士庶子而掌其政令若大射則合諸侯之六耦大祭祀饗食羞牲魚受其祭祀大喪平士大夫喪祭奉詔馬牲

小司馬之職掌此下有凡祭祀會同饗射師田喪紀掌其事如大司馬之法

軍司馬闕

輿司馬闕

行司馬闕

都司馬掌都之庶士子及其衆庶車馬兵甲之戒令以國法掌其政學以聽國司馬

家司馬亦如之

司門掌授管鍵以啓閉國門幾出入不物者正其貨賄

按古本家司馬即按上國司馬

小司馬 軍司馬 輿司馬 行司馬 都司馬 家司馬 司門

凡財物犯禁者舉之以其財養死政之老與其孤祭  
祀之牛牲擊焉監門養之凡歲時之門授其餘凡四  
方之賓客造焉則以告

古幣

司閭掌國貨之物以照門市司貨賄之出入者掌其治  
禁與其征屨凡貨之不出於閭者舉其貨罰其人凡  
所達貨賄者則以節傳出之國凶札則無門閭之征  
凡四方之賓客故閭則為之告有外內之送令則以  
節傳出內之

按古幣凡上有國貨

掌節掌守邦節而辨其用以輔王命守邦國者用玉節

守都鄙者用角節凡邦國之使節山國用虎節土國  
用人節澤國用龍節皆金也以英蕩輔之門閭用符  
節貨賄用璽節道路用旌節皆有期以反節凡通達  
於天下者必有節以傳輔之無節者有幾則不達

古幣

掌固掌修城郭溝池樹渠之固頒其士庶子及其衆庶  
之守設其飾器分其財用均其稍食任其萬民用其  
材器凡守者受法焉以通守政有移甲與其役財用  
唯是得通與國有司帥之以贊其不足者晝三巡之  
夜亦如之夜三鑿以號戒若造都邑則治其固與其

守法凡國都之竟有溝樹之固郊亦如之民皆有職  
焉若有山川則因之

司險掌九州之圖以周知其山林川澤之阻而達其道  
路設國之五溝五涂而樹之林以為阻固皆有守禁  
而達其道路國有故則藩塞阻路而止行者以其屬  
守之唯有節者達之

掌疆

多事下有各字  
侯人掌其方之道治與其禁令以設侯人若有方治則  
帥而致于朝及歸送之於竟

環人掌致師察軍憲環四方之故巡邦國搏謀賊訟敵  
國揚軍旅降圍邑

按古本無致下字

大僕掌正王之服位出入王之大命掌諸侯之復逆王  
眠朝則前正位而退入亦如之建路鼓于大寢之門  
外而掌其政令待達窮者與遽令聞鼓聲則速逆御  
僕與御庶子祭祀賓客喪紀正王之服位詔法儀贊  
王牲事王出入則自左馭而前驅凡軍旅田役贊王  
鼓救日月亦如之大喪始崩戒鼓傳達于四方寔亦  
如之縣喪首服之法于宮門掌三公孤卿之吊勞王

燕飲則相其法王射則贊弓矢王眠燕朝則正位掌  
擯相王不眠朝則辭於三公及孤卿

御僕掌群吏之逆及庶民之復與其吊勞大祭祀相盟

而登大喪持翼掌王之燕令以序守路鼓

懷方氏掌來遠方之民致方貢致遠物而送迎之送迎之達之

以節治其委積館舍飲食

合方氏掌達天下之道路通其財利同其數器壹其度

量除其怨惡同其好惡

大馭掌馭玉路以祀及祀祀王自左馭馭下祀祀登受轡

犯輶遂驅之及祭酌僕僕左執轡右祭兩軹祭執乃  
飲凡馭路行以肆夏趨齊以來齊凡馭路儀以鸞和為  
節

司右掌群右之政令凡軍旅會同合其軍之卒伍而比

其乘屬其右凡國之勇力之士能用五兵者屬焉掌

其政令

戎右掌戎車之兵革使詔贊王鼓傳王命於陳中會同

充革車盟則王敦辟盟遂役之贊牛耳桃茷

齊右掌祭祀會同賓客前齊車王乘則持馬行則陪乘

凡有牲事則前馬

道右掌前道車王出入則持馬陪乘如齊車之儀自車上諭命于從車詔王之車儀王式則下前馬王下則以蓋從

戎僕掌馭戎車掌王倅車之政正其服犯輓如玉路之儀凡巡守及兵車之會亦如之掌凡戎車之儀

齊僕掌馭金路以賓朝覲宗過饗食皆乘金路其法儀各以其等為車送逆之節

道僕掌馭象路以朝夕燕出入其法儀如齊車掌馭車

之政令

田僕掌馭田路以田以鄙掌佐車之政設驅逆之車令獲者植旌及獻比禽凡田王提馬而走諸侯晉大夫馳

馭夫掌馭貳車從車使車分公馬而駕治之

銜枚氏掌司箠國之大祭祀令禁無箠軍旅田役令銜枚禁噓呼嘆鳴於國中者行歌哭於國中之道者

挈壺氏掌挈壺以令軍井挈轡以令舍挈舂以令糧凡軍事縣壺以序聚櫛凡喪縣壺以代哭者皆以水火



按日本無大喪先  
匿四字

守之分以日夜及冬則以火爨鼎水而沛之而沃之  
方相氏掌蒙熊皮黃金四目元衣朱裳執戈揚盾帥百  
隸而時難以索室古存毆疫大喪先匿及墓入壙以戈擊  
四隅毆方良

隸僕掌五寢之掃除糞洒之事祭祀脩寢王行洗乘

石掌蹕宮中之事大喪復于小寢大寢

虎賁氏掌先後王而趨以卒伍軍旅會同亦如之舍則

守王開王在國則守王宮國有大故則守王門大喪

亦如之及葬從遣車而哭適四方則從士大夫若道

按日本方下有便字

路不通有微事則奉書以使於四方

旅賁氏掌執戈盾夾王車而趨左八人右八人車止則舊

持輪凡祭祀會同賓客則服而趨喪紀則衰葛執戈

盾軍旅則介而趨

### 司甲

按日本無軍旅則  
介為趨六字

司兵掌五兵五盾各辨其物與其等以待軍事及授兵

從司馬之法以頒之及其受兵輸亦如之及其用兵

亦如之祭祀授舞者兵大喪廡五兵軍事建車之五

兵會同亦如之

方相氏 隸僕 虎賁氏 旅賁氏 司甲 司兵

司戈盾掌戈盾之物而頒之祭祀授旅賁戈士戈盾  
授舞者兵亦如之軍旅會同授貳車戈盾建乘車之  
戈盾授旅賁及虎士戈盾及舍設藩盾行則飲之  
繕人掌王之用弓弩矢箠增弋音獲決拾掌詔王射贊王弓  
矢之事凡乘車充其籠箠載其弓弩既射則飲之無  
會計

射人掌國之三公孤卿之大夫之位三公北面孤東面  
卿大夫西面其摯三公執璧孤執皮帛卿執羔大夫  
執雁音雁諸侯在朝則皆北面詔相其法若有國事則

掌其戒令詔相其掌音掌其治達以射法治射儀王以六  
耦射三侯三獲三容樂以騶虞九節五正諸侯以四  
耦射二侯二獲二容樂以狸首七節三正孤卿大夫  
以三耦射一侯一獲一容樂以采蘋五節二正士以  
三耦射彘侯一獲一容樂以采芣五節二正若王大  
射則以狸步張三侯王射則令音去侯立于後以矢行  
告卒令取矢祭侯則令音去為位與大史數射中佐司馬  
治射正祭祀則贊射牲相孤卿大夫之法儀會同朝  
覲作大夫介凡有爵者大帥令有爵者乘王之倅車

有大賓客則作卿大夫從戒大史及大夫介大喪與  
僕人遷尸作卿大夫掌事比其廬不敬者苛罰之  
服不氏掌養猛獸而教擾之凡祭祀共猛獸賓客之事  
則抗皮射則贊張侯以旌居之而待獲

射鳥氏掌射鳥祭祀以弓矢作設致鳥為凡賓客會同軍旅  
亦如之射則取矢矢在侯高則以并夾取之

羅氏掌羅鳥鳥蜡則作羅襦中春羅春鳥獻鳩以養國  
老行羽物

掌畜掌養鳥而阜蕃教擾之祭祀共郊鳥歲時貢鳥物

### 共膳獻之鳥

校人掌王馬之政辨六馬之屬種馬一物戎馬一物齊

馬一物道馬一物田馬一物駕馬一物凡頒良馬而

養乘之乘馬一師四圉三乘為阜阜一趣馬三阜為

繫繫一馭夫六繫為廐廐一僕夫六廐成校校有左右

駕馬三良馬之數麗馬一圉八麗一師八師一趣馬

八趣馬一馭夫重獲天子十有二閑馬六種邦國六閑馬

四種家四閑馬二種凡馬特居四之一春祭馬祖執

駒夏祭先牧頒馬攻特秋祭馬社藏僕冬祭馬步獻

馬講馭夫凡大祭祀朝覲會同毛馬而頒之飾帶馬  
執扑而從之凡賓客受其幣馬大喪飾遣車之馬及  
葬埋之田舊說役則帥舊說驅逆之車凡將事于四海山川則  
飾黃駒凡國之使者共其幣馬凡軍事物馬而頒之  
等馭夫之祿宮中之稍食

馬質古作質掌質馬馬量三物一曰戎馬二曰田馬三曰駕馬  
皆有物賈網惡馬凡受馬於有司者書其齒毛與其  
價馬死則旬之內更旬之外入馬耳以其物更其外  
否馬及行則以任齊其行若有馬訟則聽之禁原蚕古作蠶

者

趣馬掌贊正良馬而齊其飲食簡其六節掌駕稅之頒古作說

辨四時之居治以聽馭夫

巫馬掌養馬疾馬而乘治之相醫而藥攻馬疾受財于

校人馬死則使其賈粥之入其布于校人

牧師掌牧地皆有厲禁而頒之孟春焚牧中春通淫掌  
其政令凡田事贊焚萊

廋人掌十有二閑之政教以阜馬佚特教駝攻駒及祭  
馬祖祭閑之先牧及執駒散馬耳圉馬正校人負選

馬質 趣馬 巫馬 牧師 廋人

馬八尺以上為龍七尺以上為騂六尺以上為馬  
圉師掌教圉人養馬春除孳學廐始牧夏序馬冬獻馬  
射則充樵質茨墻則剪鬣

圉人掌養馬芻牧之事以役圉師凡賓客喪紀牽馬而  
入陳廐馬亦如之

司隸掌五隸之法辨其物而掌其政令帥其民而搏盜  
賊役國中之辱事為百官積任器凡囚執人之事掌  
國有祭祀賓客喪紀之事則役其煩辱之事掌帥四  
翟之隸使之皆服其邦之服執其邦之兵守王宮

### 野舍之厲禁

罪隸掌役百官府與凡有守者掌使令之小事凡封國  
若家牛助為牽犗其守王宮與其厲禁者如蠻隸之  
事

蠻隸掌役校人養馬其在王宮者執其國之兵以守王  
宮在野外則守厲禁

閩隸掌役畜養鳥而阜蕃教擾之掌子則取隸焉  
夷隸掌役牧人養牛馬與鳥言其守王宮與其守厲禁  
者如蠻隸之事

絡繹掌役服不氏而養獸而教獲之掌與獸言其守王  
宮與其守厲禁者如蠻隸之事



秋官司寇第五

惟王建國辨方正位體國經野設官分職以為民極  
乃立秋官司寇使帥其屬而掌邦禁以佐王刑邦國  
大司寇之職掌建邦之三典以佐王刑邦國詰四方一  
曰刑新國用輕典二曰刑平國用中典三曰刑亂國  
用重典以五刑糾萬民一曰野刑上功糾力二曰軍  
刑上命糾守三曰鄉刑上德糾孝四曰官刑上能糾  
職五曰國刑上慝糾暴  
以圜土聚教罷民凡害人者寘之圜土而施職事焉

以明刑耻之其能改者反于中國不齒三年其不能  
改而出園土者殺以兩造禁民訟入來夫於朝然後  
聽之以兩劑禁民獄入鈞金三日乃致于朝然後聽  
之

以嘉石平罷民凡萬民之有罪過而未麗於法而害  
於州里者桎梏而坐諸嘉石役諸司空重罪旬有三  
日坐梏役其次九日坐九月役其次七日生坐七月役  
其次五日生坐五月役其下罪三日坐三月役使州里  
任之則宥而舍之以肺石達窮民凡遠<sup>近</sup>惇獨老幼之

欲有復于上而其長弗達者立於肺石三日士聽其  
辭以告于上而罪其長

正月之吉始和布刑於邦國都鄙乃縣刑象之法于  
象魏使萬民觀刑象挾日而飲之凡邦之大盟約涖  
其盟書而登之于天府大史內史會及六官皆受其  
貳而藏之凡諸侯之獄訟以邦典定之凡卿大夫之  
獄訟以邦法斷之凡庶民之獄訟以邦成弊之

大祭祀奉犬牲若禋祀五帝則戒之日涖誓百官戒  
于百族及納享前五祭之日亦如之奉其明水火凡



朝覲會同前王大喪亦如之大軍旅蒞戡于社凡邦  
之大事使其屬蹕

小司寇之職掌外朝之政以致萬民而詢焉一日詢國  
危二曰詢國遷三曰詢立君其位王南鄉三公及州  
長百姓北面群臣西面群吏東面小司寇擯以敘進  
而問焉以衆輔志而弊謀以五刑聽萬民之獄訟附  
于刑用情訊之至于旬乃弊之讀書則用法凡命夫  
命婦不躬坐獄訟凡王之同族有罪不即市  
以五聲聽獄訟求民情一曰辭聽二曰色聽三曰氣

聽四曰耳聽五曰目聽以八辟麗邦法附刑罰一曰  
議親之辟二曰議故之辟三曰議賢之辟四曰議能  
之辟五曰議功之辟六曰議貴之辟七曰議勤之辟  
八曰議賓之辟以三刺斷庶民獄訟之中一曰訊群  
臣二曰訊群吏三曰訊萬民聽民之所刺宥以施上  
服下服之刑

及大比登民數自生齒以上登于天府內史司會冢  
宰貳之以制國用小祭祀奉犬牲凡禋祀五帝實饋  
水納亨亦如之大賓客前王而辟后世子之喪亦如

之小師涖戮凡國之大事使其屬蹕孟冬祀司民獻民數於王王拜受之以圖國用而進退之

歲終令群士計獄弊訟登中于天府正歲帥其屬而觀刑象令以木鐸曰不用法者國有常刑令群士乃宣布于四方憲刑禁乃命其屬入會乃致事

士師之職掌國之五禁之法以左右刑罰一曰宮禁二曰官禁三曰國禁四曰野禁五曰軍禁皆以木鐸狗之于朝書而縣于門閭以五戒先後刑罰毋使罪麗于民一曰誓用之于軍旅二曰誥用之于會同三曰

禁用諸田役四曰糾用諸國中五曰憲用諸都鄙

掌鄉合州黨族閭比之聯與其民人之什伍使之相安相受以比追胥之事以施刑罰慶賞掌宮中之政令察獄訟之辭以詔司寇斷獄弊訟致邦令掌士之八成一曰邦汙二曰邦賊三曰邦謀四曰犯邦令五曰擄邦令六曰為邦盜七曰為邦朋八曰為邦誣

若邦凶荒則以荒辨之法治之令移民通財糾守緩刑凡以財獄訟者正之以傳別約劑若祭勝國之社

殺則為之尸王燕出入則前驅而辟祀五帝則沃尸  
及王盥洎饋水凡刳珥則奉犬牲諸侯為賓則帥其  
屬而蹕于王宮大喪亦如之大師帥其屬而禁逆軍  
旅者與犯師禁者而戮之歲終則令正會正歲帥  
其屬而憲禁令于國及郊野

鄉士掌國中各掌其鄉之民數而糾戒之聽其獄訟察  
其辭辨其獄訟異其死刑之罪而要之旬而職聽於  
朝司寇聽之斷其獄弊其訟于朝群士司刑皆在各  
麗其法以議獄訟獄訟成士師受中協日刑殺肆之

三日若欲免之則王會其期大祭祀大喪紀大軍旅  
大賓客則各掌其鄉之禁令帥其屬夾道而蹕三公  
若有邦事則為之前驅而辟其喪亦如之凡國有大  
事則戮其犯命者

遂士掌四郊各掌其遂之民數而糾其戒令聽其獄訟  
察其辭辨其獄訟異其死刑之罪而要之二旬而職  
聽于朝司寇聽之斷其獄弊其訟于朝群士司刑皆  
在各麗其法以議獄訟獄訟成士師受中協日就郊  
而刑殺各於其遂肆之三日若欲免之則王令三公

會其期若邦有大事聚衆庶則各掌其遂之禁令帥其屬而蹕六卿若有邦事則為之前驅而辟其喪亦如之凡郊有大事則戮其犯命者

縣士掌野各掌其縣之民數糾其戒令而聽其獄訟察其辭辯其獄訟異其死刑之罪而要之三旬而職聽于朝司寇聽之斷其獄弊其訟于朝群士司刑皆在各麗其法以議獄訟獄訟成士師受中協日刑殺各就其縣肆之三日若欲免之則期若邦有大役聚衆庶則各掌其縣之禁令若大夫有邦

事則為之前驅而辟其喪亦如之凡野有大事則戮其犯命者

朝士掌建邦外朝之法左九棘孤卿大夫位焉群士在其後右九棘公侯伯子男位焉群吏在其後面三槐三公位焉州長衆庶在其後左嘉石平罷民焉右肺石達窮民焉帥其屬而以鞭呼趨且辟禁慢朝錯立族談者凡得獲貨賄人民六畜者委于朝告于士旬而舉之大者公之小者庶民私之凡士之治有期日國中一旬郊二旬野三旬都三月

邦國奉期力之治聽期外不聽凡有責者有判書以  
治則聽凡民同貨財者令以國法行之犯令者刑罰  
之凡屬責者以其地傳而聽其辭凡盜賊軍鄉邑及  
家人殺之無罪七殺仇讎者書於士殺之無罪若邦  
凶荒札喪寇戎之故則令邦國都家縣鄙慮刑貶  
方士掌都家聽其獄訟之辭詳其死刑之罪而要之三  
月而上獄訟于國司寇聽其成于朝群士司刑皆在  
各麗其法以議獄訟獄訟成士師受中書其刑殺之  
成與其聽獄訟者凡都家之大事聚衆庶各掌其方

之禁令以時脩其縣法若歲終則省之而誅賞焉凡  
都家之士所上治則主之

訝士掌四方之獄訟諭罪刑于邦國凡四方之有治於  
士者造焉四方有亂獄則往而成之邦有賓客則與  
行人送迎之入於國則為之前驅而辟野亦如之居  
館則帥其屬而為之蹕誅戮暴客者客出入則道之  
有治則贊之凡邦之大事聚衆庶則讀其誓禁  
司民掌登萬民之數自生齒以上皆書於版辨其國中  
與都鄙及其郊野異其男女歲登下其死生及三年

大比以萬民之數詔司寇司寇及孟冬祀司民之日  
獻其數于王王拜受之登于天府內史司會冢宰貳  
之以贊王治

司刑掌五刑之法以麗萬民之罪墨罪五百劓罪五百  
宮罪五百剕罪五百殺罪五百若司寇斷獄弊訟則  
以五刑之法徃詔刑罰而以辨罪之輕重

司刺掌三刺三宥三赦之法以詔司寇聽獄訟壹刺曰  
訊群臣再刺曰訊群吏三刺曰訊萬民壹宥曰不識  
再宥曰過失三宥曰遺忘壹赦曰幼弱再赦曰老耄

三赦曰蠢愚以此三法者求民情斷民中而施上服  
下服之罪然後刑殺

司約掌邦國及萬民之約劑治神之約為上治民之約  
次之治地之約次之治功之約次之治器之約次之  
治摯之約次之凡大約劑書於宗彝小約劑書於丹  
圖若有訟者則珥而辟藏其不信者服墨刑若大亂  
則六官辟藏其不信者殺

司盟掌盟載之法凡邦國有疑會同則掌其盟約之載  
及其禮儀北面詔盟神既盟則貳之盟萬民之犯命

者詛其不信者亦如之凡民之有約劑者其貳在司盟有獄訟則使之盟詛凡盟詛各以其地域之衆庶共其牲而致焉既盟則為司盟共祈酒脯

司馬掌盜賊之任器貨賄辨其物皆有數量賈而揭之入于司兵其奴男子入于罪隸女子入于春槩凡有爵者與七十者與未凱者皆不為奴

司圜掌收教罷民凡害人者弗使冠飾而加明刑焉任之以事而收教之能改者上罪三年而舍中罪二年而舍下罪一年而舍其不能改而出圜土者殺雖出

三年不齒凡圜土之刑人也不虧體其罰人也不虧財

掌囚掌守盜凡囚者上罪桎拳而桎中罪桎桎下罪桎桎王之同族拳有爵者桎以待弊罪及刑殺告刑于王拳而適朝士加明桎以適市而刑殺之凡有爵者與王之同族拳而適甸師氏以待刑殺

掌戮掌斬殺賊諜而搏之凡殺其親者焚之殺王之親者辜之凡殺人者陪諸市肆之三日刑盜于市凡罪之麗于法者亦如之唯王之同族與有爵者殺之于

甸師氏凡軍旅田役斬殺刑戮亦如之墨者使守門  
剽者使守闕宮者使守內則者使守圜墜者使守積  
布憲掌憲邦之刑禁正月之吉執旌節以宣布于四方  
而憲邦之刑禁以詰四方邦國及其都鄙達于四海  
凡邦之大事合衆庶則以刑禁號令  
禁殺掌司斬殺戮者凡傷人見血而不以告者攘獄者  
過訟者以告而誅之

禁暴氏掌禁庶民之亂暴力正者擒誣犯禁者作言語  
而不信者以告而誅之凡國聚衆庶則戮其犯禁者

以狗凡奚隸聚而出入者則司牧之戮其犯禁者

職金掌凡金玉錫石丹青之戒令受其入征者辨其物  
之微惡與數量揭而璽之入其金錫于為兵器之府  
入其玉石丹青于守藏之府入其要掌受士之金罰  
貨罰入于司兵旅于上帝則共其金版饗諸侯亦如  
之凡國有大故而用金石則掌其令

野廬氏掌達國道路至于四畿比國郊及野之道路宿  
息井樹若賓賓客則令守塗地之人聚擗之有相翔  
者誅之凡道路之舟車聲互者叙而行之凡有節者



及有爵者至則為之辟禁野之橫行者徑踰者凡國  
之大事比脩除道路者掌凡道禁邦之大師則令掃  
道路且以幾禁行作不時者不物者

蜡氏掌除骹凡國之大祭祀令州里除不蠲禁刑者任  
人及凶服者以及郊野大師大賓客亦如之若有死  
於道路者則令埋而置揭焉書其日月焉懸其衣服  
任器于有地之官以待其人掌凡國之骹禁

司寤氏掌夜時以星分夜以詔夜士夜禁禦晨行者禁  
宵行者夜遊者

條狼氏掌執鞭以趨辟王出入則八人夾道公則六人  
侯伯則四人子男則二人凡誓執鞭以趨於前且命  
之誓僕右曰殺誓馭曰車轆誓大夫曰敢不關鞭五  
百誓師曰三百誓邦之大史曰殺誓小史曰墨

脩閭氏掌比國中宿互據者與其國粥而比其追脅者  
而賞罰之禁徑踰者與以兵革趨行者與馳騁於國  
中者邦有故則令守其閭互唯執節者不幾

冥氏掌設弧張為阱獲以攻猛獸以靈鼓攻之若得其  
獸則獻其皮革齒須備

庶氏掌除毒蠱以攻說禴之嘉种攻之凡毆蠱則令之比之

穴氏掌攻螫獸各以其物火之以時獻其珍異皮草

翼氏掌攻猛鳥各以其物為媒而拮之以時獻其羽翮

哲族氏掌覆天鳥之巢以方書十日之號十有二辰之

號十有二月之號十有二歲之號二十有八星之號

縣其巢上則去之

翦氏掌除蠹物以攻榮攻之以莽草薰之凡庶蠱之事

赤友氏掌除墻屋以蜃炭攻之以灰洒毒之凡隙屋除

其狸蟲

烟氏掌去蠹龜焚牡菊以灰洒之則死以其煙被之則

凡水蟲無聲

壺涿氏掌除水蟲以炮土之鼓毆之以焚石投之若欲

殺其神則以牡槊貫象齒而沉之則其神死淵為陵

庭氏掌射國中之妖鳥若不見其鳥獸則以救日之弓

與救月之矢夜射之若神也則以大陰之弓與枉矢

射之

掌察

掌貨賄

朝大夫掌都家之國治日朝以聽國事故以告其君長  
國有政令則令其朝大夫凡都家之治於國者必因  
朝大夫然後聽之唯大事弗因凡都家之治有不及  
者則誅其朝大夫在軍旅者則誅其有司

都則

都士

家士

胥師各掌其次之政令而平其貨賄憲刑禁焉察其詐

偽飾行僨隱者而誅罰之聽其小治小訟而斷之

司虺掌憲市之禁令禁其闕者與其越亂者出入相

陵犯者以屬遊飲食于市者若不可禁則搏而戮之

司稽掌巡市而察其犯禁者與其不物者而搏之掌執

市之盜賊以徇且刑之

胥各掌其所治之政執鞭度而巡其前掌其坐作出入  
之禁令襲其不正者凡有罪者撻戮而罰之



冬官司空第六

惟王建國辨方正位體國經野設官分職以為民極  
乃立冬官司空使帥其屬而掌邦事以佐王富邦國  
大司空之職掌建邦之土地之圖與其人民之數以佐  
王富邦國以天下土地之圖周知九州之地域廣輪  
之數辨其山林川澤邱陵墳衍原隰之名物而辨其  
邦國都鄙之數制其畿疆而封溝之設其社稷之壇  
而樹之田主各以其野之所宜木遂以名其社與其  
野

按本在大司馬  
作大司馬

以土會之法辨五地之物生一曰山林其動物宜毛  
物其植物宜阜物其民毛而方二曰川澤其動物宜  
麟物其植物宜膏物其民黑而津三曰邱陵其動物  
宜羽物其植物宜穀物其民專而長四曰墳衍其動  
物宜介物其植物宜莢物其民皙而瘠五曰原隰其  
動物宜羸物其植物宜叢物其民豐肉而庠  
以土宜之法辨十有二土之名物以相民宅而知其  
利害以阜人民以蕃鳥獸以毓草木以任土事辨十  
有二壤之物而知其種以教稼穡樹藝

以土均之法辨五物九等制天下之地征以作民職  
以令地貢以歛財賦以均齊天下之政  
以土圭之法測土深正日景以求地中日南則景短  
多暑日北則景長多寒日東則景夕多風日西則景  
朝多陰日至之景尺有五寸謂之地中天地之所合  
也四時之所交也風雨之所會也陰陽之所和也然  
則百物阜安乃建王國焉制其畿方千里而封樹之  
凡建邦國以土圭土其地而制其域諸公之地封疆  
方五百里其食者半諸侯之地封疆方四百里其食

按古本此條大馬  
摘卷一說

者參之一諸伯之地封疆方三百里其食者參之一  
諸子之地封疆方二百里其食者四之一諸男之地  
封疆方百里其食者四之一

凡造都鄙制其地域而封溝之以其室數制之不易  
之地家百晦一易之地家二百晦再易之地家三百  
晦乃分地職奠地守制地貢而頒職事焉以為地法  
而待政令

乃以九畿之籍施邦國之政職方千里曰國畿其外  
方五百里曰侯畿又其外方五百里曰甸畿又其外

方五百里曰男畿又其外方五百里曰采畿又其外  
方五百里曰衛畿又其外方五百里曰蠻畿又其外  
方五百里曰夷畿又其外方五百里曰鎮畿又其外  
方五百里曰藩畿

祀五帝奉牛牲羞其肆享先王亦如之大賓客令野  
脩道委積大喪帥六鄉之衆庶屬其六引而治其政  
令大軍旅大田役以旗致萬民而治其徒庶之政令  
若國有大故則致萬民於王門令無節者不行於天  
下大荒大札則令邦國移民通財舍禁弛力薄征緩

刑

小司空之職掌稽國中及四郊都鄙之夫家九比之數

以辨其貴賤老幼廢疾凡征役之施舍與其祭祀飲

食之禁令乃頒比法于六鄉之大夫使各登其鄉之

衆寡六畜車輦辨其物以歲時入其數以施政教行

徵令及三年則大比大比則受邦國之比要

乃會萬民之率伍而用之五人為伍五伍為兩四兩

為卒五卒為旅五旅為師五師為軍以起軍旅以作

田役以比追胥以令貢賦

乃均土地以稽其人民而周知其數上地家七人可

任也者家三人中地家六人可任也者二家五人下

地家五人可任也者家二人凡起徒役毋過家一人

以其餘為羨惟田與追胥竭作凡用衆庶則掌其政

教與其戒禁聽其辭訟施其賞罰誅其犯命者凡國

之大事致民大故致餘子

凡令賦以地與民制之凡上地食者參之二其民可

用者家三人中地食者半其民可用者二家五人下

地食者參之一其民可用者家二人

按古不司徒也職掌  
建邦之數法以稽國中  
四郊都鄙之夫家九比

按古不司徒也職掌  
建邦之數法以稽國中  
四郊都鄙之夫家九比

NATIONAL CENTRAL LIBRARY, TAIWAN

禮記卷之六十五

乃經土地而井牧其田野九夫為井四井為邑四邑為邱四邱為甸四甸為縣四縣為都以任地事而令貢賦凡稅斂之事乃分地域而辨其守施其職而平其政

凡小祭祀奉牛牲羞其肆小賓客令野脩道委積大軍帥其衆庶小軍旅巡後治其政令大喪帥邦後治其政教凡達邦國立其社稷正其畿疆之封凡民訟以地比正之地訟以國正之及大比六鄉四郊之吏平教治正政事考夫屋及其衆寡六畜兵器以待政

令

載師掌任土之法以物地事授地職而待其政令以廬里任國中之地以場圃任園地以宅田士田賈田任近郊之地以官田牛田賞田牧田任遠郊之地以公邑之田任甸地以家邑之田任稍地以小都之田任縣地以大都之田任盟地凡任地國宅無征園廩二十而一近郊十一遠郊二十而三甸稍縣都皆無過十二唯其漆林之征二十而五凡宅不毛者有里布凡田不耕者出屋粟凡民無職事者出夫家之征以時

NATIONAL CENTRAL LIBRARY, TAIWAN, R.O.C.



征其稅古義

量人掌建國之法以分國為九州營國城郭營后宮量  
市朝道巷門渠造都邑亦如之營軍之壘舍量其市  
朝州涂古義軍社之所里邦國之地與天下之涂數皆書  
而藏之

凡祭祀饗賓制其從獻脯古義播古義之數量掌喪祭奠窆之  
俎實凡宰祭與鬱人受筭歷而皆飲之

封人掌設王之社壇為畿封而樹之凡封國設其社稷  
之壇封其四疆造都邑按邑之封域者亦如之令社稷之

職凡祭祀飾其牛牲設其楅衡置其絳共其水橐歌  
舞牲及毛炮之豚凡喪紀賓客軍旅大盟則飾其牛  
牲

均人掌均地政均地守均地職均人民牛馬車輦之力  
政凡均力政以歲上下豐年則公旬用三日焉中年  
則公旬用二日焉無年則公旬用一日焉凶札則無  
力政無財賦不收地守地職不均地政三年大比則  
大均

土均掌平土地之政以均地守以均地事以均地貢以

按京本絕作杜

和邦國都鄙之政令刑禁與其施舍禮俗喪紀祭祀

皆以地嫩惡而輕重之法而行之掌其禁令

草人掌土化之法以物地相其宜而為之種凡糞種駢

剛用牛赤緹用羊墳壤用麋渴澤用鹿鹹瀉用狐類勃殖

壤用狐殖壇用豕疆藥用蕒輕爨用犬

稻人掌稼下地以瀦畜水以防水以溝蕩水以遂均

水以列舍水以澮瀉水以涉揚其芟古作揚作田凡稼澤夏

以水殄草而芟夷之澤草所生種之芒種早暵共其

雩斂喪紀共其葦事古作為

司市掌市之治教政刑量度禁令以次叙分地而經市

以陳肆辨物而平市以政令禁物靡而均市以商賈

阜貨而行布以量度成賈而徵備以質劑結信而止

訟以賈民禁偽而除詐以刑罰禁競而去盜以泉府

同貨而飲賒大市日廼而市百族為主朝市朝時而

市商賈為主夕市夕時而市販夫販婦為主

凡市入胥執鞭度守門市之群吏平肆展成奠賈上

旌于思次以令市市師蒞焉而聽大治大訟胥師賈

師蒞于介次而聽小治小訟凡萬民之期于市者古作期于市者辟

按京本下市則字

漢書卷之四

七

布者量度者刑戮者各於地之叙凡得貨賄六畜者

亦如之三日而舉之凡治市之貨賄六畜珍異亡者

使有利者使早害者使亡靡者使微古作微凡通貨賄以璽

節出入之國凶荒札喪則市無征而作布

凡市偽飾之禁在民者十有二在商者十有二在賈

者十有二在工者十有二在刑小刑憲罰中刑狗罰

大刑扑罰其附于刑者歸于士古作士國君過市則刑人赦

夫人過市罰一幕世子過市罰一幣命夫過市罰一

蓋命婦過市罰一帷凡會同帥役市司帥賈帥而從

治其市政掌其賣債之事

質人掌成市之貨賄人民牛馬兵器珍異凡賣債者質

劑焉大市以質小市以劑掌稽市之書契同其量度

壹其溥制巡而考之犯禁者舉而罰之凡治質劑者

國中一旬郊二旬野三旬都三月邦國古作邦朞內聽期

外不聽

廛人掌飲市飲布總布質布罰布廛布而入于泉府凡

層者飲其皮角筋骨入于玉府凡珍異之有滯也者

飲而入于膳府

律書卷之八

質人

NATIONAL CENTRAL LIBRARY, TAIWAN R.O.C.

賈師各掌其次之貨賄之治辨其物而均平之展其成  
而莫其價然後令市凡天惠禁貴債者使有恒賈四  
時之珍異亦如之凡國之賣債各帥其屬而嗣掌其  
月凡師役會同亦如之

肆長各掌其肆之政令陳其貨賄名相近者相遠也實  
相近者相爾也而平正之歛其總布掌其戒禁

臣說下有字

泉府掌以市之征布歛之不售貨之滯於民用者以其  
賈買之物揭而書之以待不時而買者買者各從其  
抵都鄙從其主國人郊人從其有司然後予之凡餘

賒其

者祭祀無過旬日喪紀無過三月凡民之貸者與其  
有司辨而授之以國服為之息凡國事之財用取具  
焉歲終則會其出入而納其餘

土訓掌道地圖以詔地事道地慝以辨地物而原其生  
以詔地求王巡守則夾王車

誦訓掌道方志以詔觀事掌道方慝以詔辟忌古存也以知地  
俗王巡守則夾王車

山虞掌山林之政令物為之屬而為之守禁仲冬斬陽  
木仲夏斬陰木凡服柝斬季材原以時入之令萬民時

斬材有期日凡邦工入山林而掄材不禁春秋之斬  
木不入禁凡竊木者有利罰若祭山林則為主而脩  
除之且蹕若大田獵則萊山田之野及弊田植虞旗  
于中致禽而珥焉

林衡掌巡林麓之禁令而平其守以時計林麓而賞罰  
之若斬木材則受法于山虞而掌其政令

川衡掌巡川澤之禁令而平其守以時舍其守犯禁者  
執而誅罰之祭祀賓客共川奠

澤虞掌國澤之政令為之厲禁使其地之人守其財物

以時入之于玉府頒其餘于萬民凡祭祀賓客共澤  
物之奠喪紀共其葦蒲之事若大田獵則萊澤野及  
弊田植虞旗以厲禽

山師掌山林之名辨其物與其利害而頒之于邦國使  
致其珍異之物

川師掌川澤之名辨其物與其利害而頒之于邦國使  
致其珍異之物

遺師掌四方之地名辨其邱陵墳衍遠隰之名物之可  
以封邑

迹人掌邦田之地政為之屬禁而守之凡田獵者受令  
焉禁麇卵者與其毒矢羽者

亦取掌金玉錫石之地而為之屬禁以守之若以時取  
之則物其地圓而投之巡其禁令

角人掌以時徵齒角凡骨物於山澤之農以當邦賦之  
政令以量度受之以共邦用

羽人掌以時徵羽翮之政于山澤之農以掌邦賦之政  
令凡受羽十羽為審百羽為搏十搏為縛

掌葛掌以時徵締葛之給之材于山農凡葛征徵草貢之材

于澤農以當邦賦之政令以權度受之

掌染草掌以春秋斂染草之物以權量受之以待時而

頒之

掌炭掌灰物炭物之徵令以時入之以權量受之以共  
邦之用凡炭灰之事

掌荼掌以時聚荼以共喪事徵野蔬材之物以待邦事  
凡畜聚之物

掌蜃掌斂互物蜃物以共閭壙之蜃祭祀共蜃器之蜃  
共白盛之蜃

按古本均字作  
未考字作此

按古本均字作  
未考字作此

掌皮掌秋歛皮各歛革春獸之遂以式法頒皮革于百  
工共其毳毛為氈以待邦事歲終則會其財齎  
典絲掌絲入而辨其物以其價獨之掌其藏與其出以  
待與功之時頒絲于外內工皆以物授之凡工之賜  
予亦如之及獻功則受良功而藏之辨其物而書其  
數以待有司之政令工之賜予凡祭祀共黼畫組就  
之物喪紀共其絲纁組文之物凡飾邦器者受文織  
絲組焉歲終則各以其物會之  
典象掌布總縷紵之麻草之文以待時頒功而授齎及

獻功受苦功以其價獨而藏之以待時頒頒衣服授  
之賜予亦如之歲終則各以其物會之  
圓人掌圓遊之獸禁牧百獸祭祀喪紀賓客共其生獸  
死獸之物

場人掌國之場圃而樹之果蔬珍異之物以時歛而藏  
之凡祭祀賓客共其果蔬享亦如之  
舍人掌平宮中之政分其財守以法掌其出入凡祭祀  
共簋簠實之陳之賓客亦如之共其禮車米芑米芻  
米粢紀共飯米蒸穀以歲時縣種桂之種以共王后

禮記卷之七

禮記卷之七

之春獸種掌米粟之出入辨其物歲終則會計其政  
司稼掌巡邦野之稼而辨種陸之種周知其名與其所  
宜地以為法而縣于邑閭巡野觀稼以年之上下出  
飲法掌均萬民食而調其給而平其興

職方氏掌天下之圖以掌天下之地辨其邦國都鄙四  
夷八蠻九貉五戎六狄之人民與其財用九穀六畜  
之數要周知其利害乃辨九州之國使同貫利  
東南曰揚州其山鎮曰會稽其澤藪曰具區其川三  
江其浸五湖其利金錫竹箭其民二男五女其畜宜

鳥獸其穀宜稻

正南曰荊州其山鎮曰衡山其澤藪曰雲夢其川江  
漢其浸潁潁音穎湛其利丹銀齒草其民一男二女其畜宜  
鳥獸其穀宜稻

河南曰豫州其山鎮曰華山其澤藪曰圃田其川滎  
雒其浸波澨其利林漆絲枲其民二男三女其畜宜  
六擾其穀宜五種

正東曰青州其山鎮曰沂山其澤藪曰望諸其川淮  
泗其浸沂沐其利蒲魚其民二男二女其畜宜雞狗

禮記 職方氏

七



其穀宜稻麥

河東曰兗州其山鎮曰岱山其澤古有數字曰大野其川河泚

其浸盧維其利蒲魚其民二男三女其畜宜六糧其

穀宜四種

正西曰雍州其山鎮曰嶽山其澤藪曰弦蒲其川涇

汭其浸渭洛其利玉石其民三男二女其畜宜牛馬

其穀宜黍稷

東北曰幽州其山鎮曰醫無閭其澤藪曰狝養其川

河泚其浸蓄時其利魚鹽其民一男三女其畜宜四

糧其穀宜三種

河內曰冀州其山鎮曰霍山一作陽其澤藪曰楊紆其川漳

其浸汾潞其利松柏其民五男三女其畜宜牛羊其

穀宜黍稷

正北曰并州其山鎮曰恒山其澤藪曰昭餘祁其川

虜池嘔夷其浸涑易其利布帛其民二男三女其畜

宜五糧其穀宜五種

乃辨九服之邦國方千里曰王畿其外方五百里曰

侯服又其外方五百里曰甸服又其外方五百里曰

男報又其外方五百里曰采服又其外方五百里曰衛服又其外方五百里曰蠻報又其外方五百里曰夷報又其外方五百里曰鎮服又其外方五百里曰藩服

凡邦國千里封公以方五百里則四公方四百里則按古本作七伯六侯方三百里則十一伯方二百里則二十五子方百里則百男以周知天下

凡邦國小大相維王設其牧制其職各以其所能制其貢各以其所有王將巡守則戒于四方曰各脩平古作將

乃守考乃職事無敢不敬戒國有大刑及王之所行先道帥其屬而巡戒令王殷國亦如之

土方氏掌土壘之法以致日景以土地相宅而建邦國都鄙以辨土宜土化之法而授任地者王巡守則樹古作特王舍

形方氏掌制邦國之地域而正其封疆無有華離之地使小國事大國大國比小國

雍氏掌溝瀆澮池之禁凡害於國稼者春令為阱獲溝瀆之利於民者秋令塞阱杜獲禁山之為苑澤之沈

者

萍氏掌國之水禁幾酒謹酒禁川游者

祚氏掌攻草木及林麓夏日至今刊陽木而火之冬日至今剝陰木而水之若欲其化也則春秋變其水火凡攻木者掌其政令

蕪氏掌殺草春始生而萌之夏日至而夷之秋繩而芟之冬日至而耜之若欲其化也則以水火變之掌凡殺草之政令

獸人掌若田獸辨其名物冬獻狼夏獻麋秋冬獻獸物

按本改作若

按本改作獻  
作獻

時田則守畧及弊田令禽注于虞中凡祭祀喪紀賓客共其死獸生獸凡獸入于腊人皮毛筋骨入于玉府凡田獸者掌其政令

獻獻掌以時獻為梁春獻王鮪辨魚物為鱸莞以共王膳羞凡祭祀賓客喪紀共其魚之鱸莞凡獻者掌其政令凡獻征入于玉府

按本改作籍

鼈人掌取互物以時籍魚鼈龜蜃凡雜物春獻鼈辰秋獻龜魚祭祀共廡<sup>蠶</sup>以授醢人掌凡邦之籍事

獸醫掌療獸病療獸瘍凡療獸病灌而行之以節之以

動其氣觀其所發而養之凡療瘳瘍灌而副之以發其惡然後藥之養之食之凡獸之有病者有瘍者使療之死則計其數以進退之

司裘掌為大裘以共王祀天之服中秋獻良裘王乃行羽物季秋獻功裘以待頒賜王大射則共虎侯熊侯豹侯設其鵠諸侯則共熊侯豹侯卿大夫則共麋侯皆設其鵠大喪廡裘飾皮車凡邦之皮事掌之歲終則會唯王之裘與其皮事不會

司服掌王之吉凶衣服辨其名物與其用事王之吉服

祀昊天上帝則服大裘而冕祀五帝亦如之享先王則衾冕享先公享射則鷩冕祀四望山川則毳冕祭社稷五祀則希冕祭群小祀則元冕凡兵事韋弁服眡朝則皮弁服凡甸冠弁服凡凶事服弁服凡吊事弁經服

凡喪為天王斬衰為王后齊衰王為三公六卿錫衰為諸侯緦衰為大夫士緦衰其首服皆弁經大札大荒大裁素服公之服自充冕而下如王之服侯伯之服自鷩冕而下如公之服子男之服自毳冕而下如

按日本飲水服下有  
夏衣服三年

侯伯之服孤之服自希冕而下如子男之服卿大夫  
之服自元冕而下如孤之服其凶服加以大加小功  
士之服自皮弁而下如大夫之服其凶服亦如之其  
齊服有元端素端凡大祭祀大賓客共其衣服而奉  
之大喪共其復衣服歛衣服虞衣服皆掌其陳序  
弁師掌王之五冕皆元冕朱裏延紐五采纁十有二就  
皆五采玉十有二玉笄朱紘諸侯之纁旒九就璫玉  
三就其餘如王之事纁旒皆就玉璫玉笄王之皮弁  
會五采玉璫象邸玉笄王之弁經弁而加環經諸侯

及孤卿大夫之冕韋弁皮弁弁經各以其等為之而  
掌其禁令

追師掌王后之首服為副編次追衡笄為九嬪及外內  
命服之首服以待祭祀賓客喪紀共笄經亦如之  
屨人掌王及后之服屨為赤舄黑舄赤纁黃纁青的音的素  
屨葛屨鞞內外命夫命婦之命屨功屨散屨凡四時  
之祭祀以宜服之

染人掌染絲帛凡染春暴練夏練元秋染夏冬獻功掌  
凡染事

禮記卷之...

司弓矢掌六弓四弩八矢之法辨其名物而掌其守藏  
與其出入中春獻弓弩中秋獻矢箠及其頒之王弓  
孤孤弓以授射甲革楛質者夾弓庾弓以授射矜侯鳥  
獸者唐弓大弓以授學射者使者弩者其矢箠皆從  
其弓凡弩夾庾利弓攻守唐大利車戰野戰凡矢枉矢  
古絮矢利火射用諸守城車戰殺矢鏃矢用諸近射田  
獵贈矢存第矢用諸弋射恒矢庫矢用諸散社  
天子之弓合九而成規諸侯合七而成規大夫合五  
而成規士合三而成規句者謂之弊弓凡喪祀共射

禮記大司馬掌六  
職金以備其用六  
物為三等皆四物  
如之天八物皆等  
亦如之春秋亦秋  
成書其等以物  
其事試其弓弩以  
其食而謀實乃入  
司弓矢及婦人凡  
射與其出入皆  
以待會而考之  
也

牲之弓矢澤共射官楛質之弓矢大射燕射共弓矢如  
數并夾大喪共明弓矢凡師役會同頒弓弩各以其  
物從授兵甲之儀甲甲戈充龍箠矢共贈矢凡亡矢者  
弗用則更

冢冢掌公墓之地辨其兆域而為之圖先王之葬居中  
以昭穆為左右凡諸侯居左右以前卿大夫士居後  
各以其族凡死於兵者不入兆域凡有功者居前以  
爵等為封邱冢之度與其樹數大喪既有日請度甫窆  
逆為之尸及窆以度為邱隨共喪之窆器及葬言焉

車象人及窆執斧以涖送人藏凶器正墓位葬葬域  
守墓禁凡祭墓為尸諸侯諸侯及諸臣葬於墓者授之北  
為之碑均其禁

墓大夫掌凡邦墓之地域為之圖令國氏族葬而掌其  
禁令正其位掌其度數使皆有私地域凡爭墓地者  
聽其獄訟帥其屬而巡墓屬居其中之室以守之

治官之屬元有六十三

大宰	小宰	宰夫	宮正	宮伯	膳夫	庖人
內饗	外饗	亨人	甸師	獸人	醵人	鼈人
腊人	醫師	食醫	疾醫	瘍醫	獸醫	酒正
酒人	漿人	凌人	籩人	醢人	醢人	鹽人
冢人	宮人	掌舍	幕人	掌次	大府	玉府
內府	外府	司會	司書	職內	職歲	職幣
司裘	掌皮	內宰	內小臣	閹人	寺人	內豎

國家圖書館, NATIONAL CENTRAL LIBRARY, TAIWAN, R.O.C.

九嬪 世婦 女御 女祝 女史 典婦功 典絲  
 典采 內司服 絳人 采人 追師 屨人 夏采  
 今訂定治官之屬六十一

大宰 小宰 宰夫 大史 小史 內史 外史

御史 馮相氏 保章氏 天府 大府 玉府 內府

外府 司祿 司勳 司士 宮正 宮伯 宮人

內宰 九嬪 世婦 女御 內宗 外宗 女祝

女史 內司服 典婦功 縫人 內小臣 閹人 寺人

內監 膳夫 庖人 內饗 外饗 亨人 甸師

酒正 酒人 漿人 淩人 篋人 醢人 醢人

鹽人 冪人 腊人 醫師 食醫 疾醫 瘍醫

司會 司書 職內 職歲 職幣

教官之屬元有七十九

大司徒 小司徒 鄉師 鄉老 鄉大夫 州長 黨正

族師 閭胥 比長 封人 鼓人 舞師 牧人

牛人 充人 載師 閭師 縣師 遺人 均人

師氏 保氏 司諫 司救 調人 媒氏 司市

質人 廛人 胥師 賈師 司隸 司籍 肆長



NATIONAL CENTRAL LIBRARY, TAIWAN, R.O.C.

按案無

按案有



令訂定教官之屬五十七

泉府	司門	司關	掌節	逆人	逆師	逆大夫
縣正	郵師	郵長	里宰	郵長	旅師	稍人
妾人	王均	草人	稻人	土訓	誦訓	山虞
林衡	<small>管王</small> 澤虞	迹人	北人	角人	羽人	掌葛
掌染草	掌炭	掌荼	掌蜃	圉人	場人	廩人
舍人	倉人	司祿	司祿	春人	<small>管王</small> 鑄人	橐人

國家圖書館 NATIONAL CENTRAL LIBRARY, TAIWAN, R.O.C

訓方氏	匡人	擇人	調人	媒氏	大司樂	樂師
大胥	小胥	大師	小師	瞽矇	眡瞭	典同
磬師	鍾師	笙師	搏師	鞀師	箎人	籥師
籥章	鞀氏	司干	典庸器	鼓人	舞師	逆人
送師	送大夫	縣正	郵師	郵長	里宰	郵長
閭師	縣師	旅師	倉人	廩人	遺人	稍人
妾人						

禮官之屬元有六十九

大宗伯	小宗伯	肆師	饔人	甸人	雞人	司尊彝
-----	-----	----	----	----	----	-----

司几筮	天府	典瑞	典命	司服	典祀	守祀
世婦 <small>按名玉作樂師</small>	內宗	外宗	家人	墓大夫	職喪	大司樂
司樂	大胥	小胥	大師	小師	瞽矇	眡瞭
典同	磬師	鍾師	笙師	鐃師	鞀師	箛人
籥師 <small>籥音</small>	鞀 <small>音</small>	典庸器	司干	大卜	卜師	大司馬 <small>大司馬</small>
龜人	菑氏	占人	菑人	占夢	眡祿	大祝
小祝	喪祝	甸祝	詛祝	司巫	男巫	女巫
天史	小史	馮相氏	保章氏	內史	外史	御史
中車	典路	車僕	司常	都宗人	家宗人	

今訂定禮官之屬六十五

大宗伯	小宗伯	肆師	典命	典瑞	中車	典路
車僕	節服氏	司常	鬱人	壘人	司尊彝	司几筮
典祀	都宗人	家宗人	守祀	神仕	職喪	大行人
小行人	司儀	行夫	環人	象胥	掌客	掌訝
掌交	大卜	卜師	卜人	龜人	菑氏	占人
菑人	占夢	眡祿	大祝	小祝	喪祝	甸祝
詛祝	司巫	男巫	女巫	祭僕	小臣	夏采
掌舍	掌次	幕人	饗人	司饗	司爨	牧人

充人 牛人 天人 鷄人 羊人 小子 春人  
饒人 犒人

政官之屬元有六十九

大司馬 小司馬 軍司馬 輿司馬 行司馬 司勳 馬質  
量人 小子 羊人 司燿 掌固 司險 掌疆  
侯人 環人 挈壺氏 射人 服不氏 射鳥氏 羅氏  
掌畜 司士 諸子 司右 虎賁氏 旅賁氏 節服氏  
方相氏 大僕 小臣 祭僕 御僕 隸僕 弁師  
司甲 司兵 司戈盾 司弓矢 繕人 橐人 戎右

齊右 道右 大馭 戎僕 齊僕 道僕 田僕  
馭夫 校人 趣馬 正馬 牧師 廋人 圉師

職方氏 土方氏 懷方氏 合方氏 訓方氏 形方氏 山師  
川師 蓬師 匡人 捍人 都司馬 家司馬

今訂定政官之屬五十七

大司馬 小司馬 軍司馬 輿司馬 行司馬 都司馬 家司馬  
司門 司關 掌節 掌固 司險 掌疆 侯人  
環人 大僕 御僕 懷方氏 合方氏 大馭 司右  
戎右 齊右 道右 戎僕 齊僕 道僕 田僕

國家圖書館, NATIONAL CENTRAL LIBRARY, TAIWAN, R.O.C

刑官之屬元有六十六

馭夫	術焚	挈壺氏	方相氏	隸僕	虎賁氏	旅賁氏
司甲	司兵	司戈盾	繕人	射人	服不氏	射鳥氏
羅氏	掌畜	校人	馬質	趣馬	巫馬	牧師
廋人	圉師	圉人	司隸	罪隸	蠻隸	閹隸
夷隸	貉隸					
大司寇	小司寇	士師	鄉士	遂士	縣士	方士
訝士	朝士	司民	司刑	司刺	司約	司盟
職金	司厲	天人	司圜	掌囚	掌戮	司隸

罪隸	蠻隸	閹隸	夷隸	貉隸	布憲	禁殺戮
禁暴氏	野廬氏	蜡氏	雍氏	泮氏	司寤氏	司烜氏
條狼氏	脩闕氏	冥氏	庶氏	穴氏	翬氏	柞氏
雍氏	碧蒺氏	翦氏	赤友氏	姻氏	壺涿氏	庭氏
術焚氏	伊耆氏	大行人	小行人	司儀	行夫	環人
象胥	掌客	掌訝	掌交	掌察	掌貨賄	朝大夫
都則	都士	家士				

今訂定秋官之屬四十七

大司寇	小司寇	士師	鄉士	遂士	縣士	方士
-----	-----	----	----	----	----	----

方士 訝士 司氏 司刑 司判 司約 司盟  
 司厲 司園 掌囚 掌戮 布憲 禁殺戮 禁暴氏  
 職金 野虞氏 蜡氏 司藉氏 條狼氏 脩閭氏 冥氏  
 庶氏 冗氏 隄氏 若蕞氏 翦氏 赤友氏 燭氏  
 壺涿氏 庭氏 掌察 掌貨賄 朝大夫 都則 都士  
 冢士 胥師 司懸 司稽 胥

事官之屬舊散見于五官至臨川俞氏永嘉王氏臨川

吳玳清源邱士始撫出以補司空之闕

大司空 小司空 載師 量人 封人 均人 土均

草人 稻人 司市 質人 塵人 賈師 肆長  
 泉府 土訓 誦訓 山虞 林衡 川衡 澤虞  
 山師 川師 遘師 迹人 北人 角人 羽人  
 掌葛 掌染草 掌炭 掌茶 掌蜃 掌皮 典絲  
 典泉 圉人 場人 舍人 司稼 職方氏 五方氏  
 形方氏 雍氏 萍氏 柞氏 籬氏 獸人 獸人  
 鼈人 獸醫 司裘 司服 弁師 追師 屨人  
 染人 司弓矢 橐人 家人 墓大夫